

帝王部

招懷四

來遠

招懷五

却貢獻

紉貢獻



冊府元龜

乙下四冊

新刊監本冊府元龜卷之壹百六十六

帝王部一百六十六

招懷第四

後唐武皇大順貳年三月邢州節度使安和建叛入汴軍武皇
令李存孝定邢洛因授之節鉞時幽州李威與鎮州王鎔屢弱
中山將中分其疆土定州王處存求援於武皇武皇命存孝侵
鎮趙之南鄙又令李存信李存審率師出井陘以會之併軍攻
臨城相鄉李威救至且議旋師

乾寧元年五月鄆州節度使朱瑄為汴軍所攻遣使來乞師武
皇遣騎將安福順安福應安福遷督精騎五百假道於魏州以
應之

三年伍月汴人大舉以攻兗鄆朱瑄朱瑾再乞師於武皇武皇假道於魏州羅弘信許之乃令都指揮使李存信將步騎三萬其李承嗣史儼會軍以拒汴入存信軍於莘其朱瑾合勢頗挫汴軍退之

四年九月河中王珂來告急言王拱引汴軍來寇武皇遣李嗣昭將兵三千以授之屯於胡壁堡汴軍萬餘人來拒戰嗣昭擊退之

天復三年梁太祖所置昭義節度丁會以潞州歸帝納之賜甲第於太原位在諸將上

莊宗初為晉王天佑八年正月南伐至邢州遣李存璋治械攻城時梁將王檀為邢師乃約失飛書諭以禍福曰天惟助順神

亦言盈有道即興無道即滅昔漢朝中否俄成王莽之妖晉祚中微復起桓玄之禍莫不因緣多難構合異圖謂夫地可以心欺謂帝王可以力取殊不雪霜之後寒松驗貞翠之姿喪亂之朝義士見忠勤之節是故南陽宗室京口英雄皆懷伏順之謀悉達平兇之策逆溫萑蒲餘孽畎畝微民因黃巢將敗之秋於白水喪師之後自知勢蹙遂乃向明聖朝以方切招懷顯行思渥便從賊將委以齊壇加全忠之嘉名居夷門之重地爾後連侵四鎮疊擁雙旌非聖朝思澤不深非聖朝有負此賊而乃結連姦進攻逼河岐謀害近臣劫遷鑿輅終成大逆遂弑昭皇殺戮宗支逼辱妃后萬民相顧而收淚百辟飲恨以吞聲以致神堯萬代之基陷於碣山豎子之手神祇痛憤天地慘傷况復

自僭逆以來猜狂愈甚忌勲舊則殺傷已盡貪財貨則溪壑唯
盈氏叔宗朱友恭之徒蔣玄暉張廷範之輩罪無毫髮皆被誅
夷王重師覆族於前劉知俊脫身於後如斯統馭何以扶持稍
成瓜李之嫌便中讒邪之口且鎮定兩地聖唐重藩皆世嗣山
河代分旄鉞各以生靈是念封壤求安既拜表以稱臣又竭財
而入貢而逆溫不察忠粹潛肆窺圖詐稱應援之師盜取深冀
兩郡見利忘義一至於斯欲令天下歸心乃至舟中敵國非鎮
定大王特差人使逕告弊藩予遂統師徒躬來應援逆溫已令
其將王景仁等七八萬衆屯據相鄉日令步騎攻圍其賊終不
出鬪遂令引退即便前來既落葢中須施毒手東西掩擊勢若
山摧擒賊將二百餘負奪鐵騎五千餘足橫屍滿野皆龍驤神

策之徒棄甲如山悉長劍鎗銀之類程思權屢陳表本張濤亦
備述事機然董卓之隣何煩再舉斬桓玄之首正在此時迨又
岐下淮南皆通問使咸期春首同起義師計百鄉之勝捷遠聞
在兩地之戈鋌轉急天時人事昭然可知伏以公侯嶺名家聖
唐勲族因逢國難偶在賊庭當華夷無事之時滿朝朱紫儻社
稷中興之後足顯勲名予曾門自憲宗朝赴闕已來世荷恩寵
敢因此際世復聖唐必不與碭山田夫同戴天而履地予幕賓
王緘僕射九月中鳳翔使回劉知俊令公貽書示兼傳睿意具
述足下相與之分最異他人兼憑附達簡書尋令通送又累得
潞州相公家兄丈字及招得魏博子將聞得逆溫於公君臣之
分已有猜嫌曾於故鎮着人窺於窺筭皆言紀綱不小謀害稍

難頗得事機極不靈謬且公彭門侍中之後鴻勳茂業播在史書豈忍屈節賊庭黜汚盛族轉禍為福去就奚安箕子去殷項伯歸漢棄骨肉猶稱先智全富貴固是良圖今三鎮嚴師已及城下敢傾丹杞仰達英聰倘蒙俯賜忠言見機知度協同討逆興復聖唐則身與金石同堅名與天地齊固盖以久欽盛德是以敢貢直言如明鑒未回丹誠尚阻則長壕巨塹築室以耕候飛走以無門固展覲而有日

二月南代鄆州步騎三千自黎陽歸國其都指揮使張從楚曹儒謁見帝賜衣袍驪馬額其兵為左右定月命從楚曹儒俱賜姓李氏從楚改名紹文曹儒曰紹武

十三年八月攻邢衛洛磁下之相州節度使張筠棄城遁去邢州節度使閔寶嬰城拒守帝令軍士諭以張筠宵遁令降將張溫率汴軍五百於城下招諭之寶知勢危窘援軍路絕請以城降帝嘉之進位檢校太尉同平章事遙領太平節度東南面招討等使待以賓禮位在諸將上

九月梁將戴思遠為滄州師時已定魏博思遠勢蹙棄城遁毛璋滄州小校乘靈據之以城歸國因授具州刺史及轉遼州

十四年二月梁將謝彥璋率衆數萬逼揚劉城帝自魏州聞之輕騎趣於河上賊軍遂壘以自固又決河水瀾漫數里以限我軍我軍不得進自破安彥之後其潰亡之卒多嘯聚於兗鄆山谷間觀時勝負有投來者帝以書諭之曰夫相時達度為智士之良圖擇福知幾盖丈夫之能事故有竄身山谷不處危邪今

古攸同英豪其貫近聞鄆州山寨聚徒實繁並是汴洛舊人充
鄆奇士見河南之險知偽數之必亡厭血刃於連年避淫失刑
於雲主必視元元失所怙怙無依莫知投足之方未有息肩之
地予自去冬親提虎旅徑取揚劉既獲通津已諧大計視逆豎
而便同杭肉美梁國而已在殼中謝彥璋營葺泉菓甯聚河上
撩虎頭而難逃碎首伸蟾臂而何暇爭鋒今則害使生民決開
天塹等堤壅木自固軍營偷生取笑於庸夫作事頗同於兒戲
公私塗炭內外分離既叛蕩以不披固永錫而在即予俯詳人
事仰察天時既畫成謀已圖大舉控新羈之鐵馬礪却日之霜
戈屈指定期鳥驅決戰誓平國耻須復家讐廓妖祲於西郊秦
中興於萬葉諸君等或中州義士或大國遺民因兵革而不保
田園避殘酷而深藏溪洞聞予義舉計各驩然今既屯聚衆多
已相統屬須自謀畫自立功名或則攻城池便可跨據州縣因
茲事勢以決遠圖梁寇既西有多虞不暇分其東去青兗則無
人之境齊鄆則患兗之邦彼若圖之必定成事斯為上策不可
後時凡有兵機予能應接當俟寰區一統海內為家可於所得
封疆遂其富貴之願蒼穹白水予所不欺若守險偷生潛身匿
跡終為亡命自棄何多時不再來機須遠決長謀遐美自可擇
焉自是兗鄆群盜往往率衆歸於行臺

十五年梁河中節度使朱友謙來乞師友謙本名簡梁太祖畜
為假子以為陝州節度使後為河中節度度及友珪弒逆意深不澤
友珪徵之友謙不奉命友珪令其將韓勅等將兵攻之友謙乞

師於帝帝赴援大敗汴軍與友謙會於猗氏陳詞瀝懇願為附
痛帝嘉其忠頗賞待之

十六年攻下漢陽獲其長吏乃下教告諭濮百姓曰干絕常神
人共怒殺君盜國天地何容激忠良伏順之心拯黎庶倒懸之
急予援從近歲新舉義師義惟戡難之謀所切吊民之患而賊
黨不分逆順憑附妖兇唯偷畧漏之生不慮覆亡之禍去秋予
暫歸寧親留侍都賊將王瓚輒度洪河偷營巢穴不敢前來決
戰遠出交兵閉壁偷安可知羸懦予親臨賊壘率士登城賊遂
出營門與吾決戰纔交鋒刃便委干戈戮甲士三萬餘人奪鐵
騎三千餘足敵千李立之輩悉累鼓於軍前拱辰侍衛之徒
盡橫屍於大野所殘無幾不日剪除料彼反身難逃鐵鉞豈能

保完生聚禦捍疆陲予昨逢出徧師徇地曹濮聞其蒸庶在此
百殃空多轉餉之勞殊失保全之望予示其禍福各擇安危勿
附賊以亡家須決機而保族若能自携老幼皈我封廵亦議撫
綏俾令蘇息如懷鄉戀土苟免待時則須遠避兵鋒慎於去就
佇平兇醜冀復鄉園其諸軍兵士州縣長史等自解問上黨對
陣相鄉華縣交兵楊劉接戰亦合諳吾機畧可料興衰何必呵
附元亮自貽伊歲不如嚮義自卜永圖旦旦之懷元元共悉
十七年秋七月梁將劉鄩尹皓寇同州先是河中節度使朱友
謙取同州以其子令德主留務請梁主降節梁王怒不與遂請
旄節于帝梁王乃遣劉鄩其華州節度使伊皓師兵圍同州友
謙來告難帝遣蕃漢總官李存蕃昭義節度使李嗣昭代州刺

史王庭及帥師赴援九月師至河中朝夕濟梁人不意王師之至望之大駭明日次于朝邑與朱友謙謀遲明進軍距梁壘梁人悉衆以出蒲人在南王師在北騎軍既接梁人小却李嗣以輕騎抗之梁軍奔潰追斬二千餘級是夜劉鄩收餘衆保營自是閉壁不出數日鄩遂宵遁王師及於渭河所棄兵杖輜重不可勝計劉鄩尹皓單騎獲免未及鄩憂恚發病而卒

二十四年四月莊宗即位制曰澤潞封疆兄弟之國追思舊績言念疲民惠在綏懷思加招撫各仰沿路鎮戍布命宣陳咸命樂業營生無使侵疆為患

同光元年八月梁行營右先鋒指揮使康延孝自高陵津渡剽於臨河帝以騎軍挑戰延孝率百餘騎倒戈來歸延孝本晉陽

人家世部族少隸太祖軍服罪奔於梁漸至福禪性剛烈負氣不居人下賊庭終敗來奔帝虛懷引見解御衣金帶以賜之翌日賜田宅于鄴以為捧日都軍使兼南面招討都指揮使檢校司徒守傳州刺史時河朔危急延孝至軍情稍壯

十月己卯車駕至汴州梁開封尹王瓚恐俱出城迎降伏地請死帝曰朕與卿家世密親兵或阻濶卿即時竭心所事人臣大節也何罪之有乃命復舊職及誅張漢傑朱珪輩瓚大怒憂駭不自安所有家財相繼入貢帝慰諭之終以憂病而卒壬午梁將段凝所部馬步軍五萬解軍於封丘勅旨令於州城北十里排立俄而凝等率大將先至跪首請死帝慰之曰偽之誑誤卿輩卿輩無罪各賜錦袍御馬錢帛有差帝出封丘門撫勞兵士

歡呼之聲殷動天地帝諭之曰爾等皆吾赤子被賊驅率暴蹶
征行數十年來不安耕織今誅逆孽平一天下自此休征罷戰
何樂如之可各復本營餘勿憂懼

癸巳勅朕親驅義旅徑下偽庭亮讐雖已剪除內外忽聞搔擾
貴行招諭以示綏懷壹應諸色官負並宜仍舊勾當當軍百姓
各自安居永無勞弊之虞共睹升平之代如無量之輩扇動人
情便仰密加追捕嚴行處斷貴從寧謐當體朕懷是月入洛為
洛京留守河南尹張全義羸老不勝拜蹈帝令人掖之臨軒慰
勞稠杏初全義澤州而趨河陽弟全武及家屬為我軍所得歸
之太原太祖給賜田宅厚加撫卹天復中密令人通情至是帝
重其宿望謂之曰張侯無恙卿識機知度無由與我早通卿家

弟姪幸復相見全義垂涕謝恩進弊馬千計謝恩帝命皇子繼
岌皇弟存紀等兄弟之是日詔曰叛之則懲服之則捨蓋前經
奧旨為當代之通規既屬纂承是務遵守應舊偽庭位居藩漢
任處專城或掌握兵權或捍防邊鄙各為其主以全其名既解
甲以歸明或飛童而送款度通斯觀忠節可嘉其逐處節度觀
察防禦團練等使及諸州刺史監押及偽庭先差出行營將校
都監等並頒恩詔不議改更仍許且稱舊御當候別知新命是
月偽梁宋州節度使袁象先至覲於玄德殿跪首待罪詔赦之
十一月梁河中節度使西平王朱友謙自河中至見於玄德殿
進金鞍名馬帝慰勞加等友謙乞割礪磁依舊為蒲之屬郡乃
以絳州隸之又求為安邑解縣西池權監使亦許之尋加太師

尚書令進至一萬捌千戶西平王如故又賜名繼麟兼錫鐵券
恕死罪

是月中書奏河南諸方鎮節度刺史昭洗之後未有新官每上
表章只書名姓未頒渙汗必負憂疑望宣付各降制命以表新
恩從之

二年二月遣左武衛大將軍張紹虔押國信宣賜淮南

五月潞州賊首領楊立遣子將韓暉奉表乞行赦宥帝令樞密
副使朱唐王賁勅招撫

四年二月癸丑中書門下奏為蜀官員先有赦旨黜降近者員
數極多相次到闕並是未承前勅慮抱憂疑宜令御史臺具所
到官員出身歷任三代家狀約為官品秩准前勅次第當擬同

正官奏復如是偽屬將相家屬稍多即於山東州府安置如位
伴家屬少者或是本朝舊人有骨肉見在班行即任便居止或
是山川居人願還本土亦候三兩日放歸本處或有本朝曾登
科舉歷任班行材器為衆所知可以甄錄即績具人才酌量奏
擬從之是時為蜀宰相王錯庾傳素張格皆本朝衣冠之後也
豆芦革常說素知之既聞歸款意欲處之善地故有是條奏以
候其來孫彥韜字德光少以勇力聞以鄉里唐末朱氏將圖革
命兼領四鎮擢彥韜於五卒歷諸軍校徧及朱氏借竊軍鋒屢
為莊宗所敗彥韜北屯河上知大事不濟乃聞行由官渡麥質
來歸帝喜而納之授親從右捷右廂指揮使

劉玘梁貞明未為晉州觀察留後莊宗收復汴州玘來朝玘

在平陽八年日其上黨太原之師交鬪境上莊宗見而勞之曰劉侯無恙爾控吾晉陽之南鄙歲時久矣不早相聞今日見聞不其晏其玘頓首謝之郊天後復令歸鎮正授旌節尋有記改授安遠軍

明宗初以天佑九年領內衙親兵時周德威攻圍幽州劉守光因感令元行欽於山北募兵以應契丹時帝攻行欽於山北與之接戰矢及帝馬鞍既而以勢迫來降帝憐其有勇奏隸為假子後因從征息禮時隆常臨敵生擒必有所獲名聞於軍中

大成元年八月以為屬開封儀同三司行尚書右僕射兼中書侍郎同中書門中平章事上柱國趙國公食邑五千戶張格可金紫光祿大夫檢校兵部尚書守太子賓客上柱國仍封南陽縣開國伯食邑七百戶充三司副使從判三司宰臣任圜所奏請也

九月幽州奏契丹平州守將偽署幽州節度使芦文進率戶口歸朝所率降戶孳畜人口在平西首尾約七十里十一月鎮州又奏文進所率歸業戶口蠲放稅租三年仍每口給賜糧五斗是月文進及將吏四百人見帝賜鞍馬玉帶衣被器玩錢帛有差乃下制契丹芦龍節度使檢校太尉芦文進遼西飛將薊北雄才頃以被讒因而被禍雖附始毛之俗長懷向國之誠將軍亭屈於虜庭檢校終還於漢壘泊予纂紹果卜旋歸繼飛鴈足之書累殄龍庭之虜前冒白刃中推赤心擁塞拒之車帳八十

復唐土之軍民十萬氣吞沙漠義貫神明安降龍章以旌壯節
可特依前檢校太尉同中書門下平章事使持節滑州諸軍士
守滑州刺史充義城軍節度滑漢管內觀察處置等使仍封范
陽郡開國侯食邑一千三百戶兼賜推忠翊聖保義功臣
二年十月汴州節度使朱守殷閉州城拒命帝親平之辛丑德
音曰衛王亡軀推克效命偶徇脅從之勢終懷忠蓋之誠首議
向明理宜行賞昨車駕初到城下之時有將士率先開門及下
城朝見宜令石敬瑭奏聞當與甄酬

三年四月制夫忠而能力蓋臣子之嘉蔽賞不踰時乃君親之
大義其有一心奉國萬里勤王宣至化於遐邇振威聲於異俗
宜并寵秩式示優恩竭忠建策興復功臣東南面行營副招討

使寧江軍節度觀察等使光祿大夫檢校司徒使持節都督夔
州諸軍使守夔州刺史西方鄴壯節挺生英材間出居家克孝
事主能忠搃銳師以旄征邁飛捷而荐至一日千里復峽內之
土疆七縱七擒盪荆門之氛侵迫令邊將逕取敵城運籌之智
神翰破竹之威電速漸平兔穴當覆泉巢方堅倚伏之誠宜降
褒崇之命俾兼為保益重殿邦既虎踞於上流佇鯨吞於下瀕
於戲功名既立節義尤高鼎鍾方示於鐫銘綸綍寧煩於訓誡
惟期大礪永協雲龍可檢校太保使持節都督夔州諸軍事守
夔州刺史寧江軍節度觀察等使

十月戊午契丹署平州刺史張希崇將麾下八十餘人歸闕見
於玄德殿便召赴宴例加賞賜希崇幽州人陷蕃歲久契丹署

於平州至是殺其蕃兵率平營人戶來歸

四年二月丁亥夏州行營都監安重益率師赴西軍時夏州李仁福身亡其子彝超擅留後詔邠州藥彥稠總兵赴夏州至此因降勅書曉諭夏縵銀宥等州將吏百姓曰近據西北蕃鎮聞奏定南軍節度使李仁福薨朕以仁福自分戎閫遠鎮塞垣威惠俱行忠孝兼著當本朝播越之後及先皇興創之初或大勦凶徒或遙遵聖主夙夜每勤於規救始終罔怠於傾輸爰今眇躬益全大節協和羣虜惠養蒸民致朕端拱無為修文偃武在料其事勢可以盡取江兆之地乃不許之德明等見上急攻壽陽慮頃刻不保乃奏云臣之保本國向來不知大朝兵力如是願陛下寬臣等五日之誅容臣自往江南取本國章表割江

北諸郡盡獻於大朝上乃許其行因賞璽書以賜李景書曰頃自有唐失馭天步方艱巢蒸喪亂之餘朱李戰爭之後中夏多故六紀於茲海縣派分英豪鼎峙自為聲教各擅蒸黎連衡而交結四夷乘隙而憑陵上國華風不競否運所鍾凡百有心熟不興憤朕猥承先訓恭荷天圖德不逮於前王道未方於往古然而擅一百州之富庶握三十萬之甲兵農戰交脩士卒樂業累欲報累朝之宿怨刷萬姓之包羞是以踐祚以來懷安不暇破函并之巨寇收全鳳之全封兵不告疲民有餘力一昨回軍隴上問罪江干我實其辭各將安執朕親提金鼓尋渡淮淝上順天心下符人欲前鋒所向被寇無遺棄甲僵屍動盈川谷收兵狗地已過滁陽豈有落其爪牙折其羽翼潰其心腹扼其吭

喉而能不亡者哉。早者泗州主將遞送到書一函，尋又使人鍾謨、李德明至齋所，上表及貢奉衣服、腰帶、金銀器帛、茶藥、牛酒等，近差健步到第二表。今月十六日，使使人孫晟等至，賫到第二表及進奉金銀等，到行朝深厚意，觀其降身德命，引咎告窮，所謂君子見幾不候，終日苟先達識，熟能若斯。但以奮武興戎，所以討不服，惇信明義，所以來遠人。五帝三王盛德大業，常用此道以正萬邦。朕今躬通戎師，親行討伐，告于郊廟社稷，諭于將相公卿。天誘其衷，國無異論，苟不能恢復外地，自畫邊疆，便議班旋，真同戲劇，則何以光祖宗之烈，厭士庶之心。匪獨違天抑且惑衆，但以淮南部內已定，六州廬壽濠黃大軍悉集，指期剋日，拉朽笑枯，其餘數城非足介意。必若盡在甸之土地，為大國之提封，猶是遠圖，豈同迷復。如此則江南吏卒悉遣，放還江北軍民，並當留住，免違物類之姓，俾安鄉土之情。至於削去尊稱，願諭臣禮，非無故事。實有前規，蕭舉事周，不失附庸之道。孫權事魏，自同蕃國之儀，古也。雖然，今則不取，但存古號，何爽歲寒，尚堅事大之心，終不迫人于險事。資其懇辭，匪枝游候，諸辟之悉來，即大軍之立罷，質于天地。若信丹青，我無被欺，爾無我避。言盡于此，皆不煩云。苟曰未然，請從茲絕切，以在候庶無索思。願無廢於節宣，更自期于愛重。陰塵非遠，風壤猶殊，翹想所深。勞於夢寐，又賜其將佐書曰：朕自類禡與師，麾旄問罪，絕長淮而電擊，指建業以鷹揚。旦夕之間，克捷相繼。至若兵與之所自，釁起之所來，勝負之端倪，戎甲之次第，不勞盡諭，必想具知。近

者金陵使人繼來行闕追悔前事委質大朝非無讞谷之辭亦有罪軍之請但以南方之土地本中夏之封疆苟失克復之期大狄朝野之望已興是役固不徒還必若自淮以南畫江為界盡歸中國猶是遠圖所云願為外臣乞比湖浙彼既服義朕豈忍人必當別議封崇待以殊爾凡禮將佐各盡乃心善為家國之謀勉擇長久之利

四月駐蹕於壽春城下以江南偽命常州刺史姚鳳為佐屯衛將軍是月前湖南節度使馬希宗昆仲凡十有七人自揚州來見賜衣物鞍馬錢帛各有差賜以希宗為左羽林統軍又以淮南偽命揚州通勾尚書虞部員外郎何幼冲為工部郎中仍賜金紫

五月以偽命東都副留守工部侍郎馮延魯為大府卿

六月詔以江北諸州縣有未收復處令行營大將明中招諭尚能知機變順朝廷其向來名位當一切如故仍選名藩大郡厚加旌賞其軍督自長行以上並與優給其中有願歸江南者亦聽自便

四年正月詔曰應淮南界南百姓宜令行營將校告報諸軍不得俘虜傷害

三月親征淮南王寅賜收降到淮南將卒許文鎮以下一萬五百二十四人分物有差甲辰為壽州節度使劉仁瞻上表乞降丁未再差人上表是日賜仁瞻詔曰朕昨日再幸淮淝盡平諸砦念一城之生聚久困重圍和三百之踈羅少寬疲瘵果聞感

義壘貢來章卿受任江南鎮茲准旬踰年固守誠節不虧近代
封疆之臣卿且無愧忠烈迴翔之際不失事機萬民獲保於安
全一境便安於安秦卿使可宣達恩信慰撫軍城將覲義形良
增欣沃覽奏嘉獎再三差東上閣門使張保績入城宣諭是日
仁瞻遣其子崇讓上表請罪又賜詔曰朕臨御萬方推誠克已
當五兵未戢雷震宣振擢之功暨萬旅投戈覆載是生成之德
况卿等受任本國保茲列藩戮力邦家將帥常道救援不及迴
翔得宜事主盡心何罪之有已令宣諭當體優恩勉自保調無
更疑慮稱獎在念寤寐不忘戎申帝率六師於壽州城北受仁
瞻已下降時仁瞻已抱疾帝令下拜慰勞久之仍賜襲衣玉帶
御馬鞍轡金銀氣血錦綺綾羅等甚厚又賜其子崇瓚等四人

及監軍使周廷構節度判官鄭牧營田副使孫羽等分物又賜
其軍士錢絹米麥各有差尋除仁瞻天下軍節度使時進檢校
大尉兼中書令壬子以江南偽命西北面行營監軍使舒州團
練使朱元為蔡州防禦使文德殿使監軍使周廷構為衛鄉壽
州營田副使孫羽為太僕卿節度判官鄭牧為鴻臚卿賞歸順
也

四月以江南偽命西北面行營應援使前永安軍節度使檢校
太尉許文鎮為檢校太尉左監門上將軍以為命西北面行營
應援都軍使前武安軍節度使檢校太傅邊鎬為檢校大傅左
千牛衛上將軍仍各命一子為供奉官

五月賜許文鎮邊鎬王鏐周千構馮延魯鄭牧孫羽等宅地各

數畝又以材值緡錢等賜之俾構居第

八月又賜許文鎮等各絹三百疋綿五百兩俾構時服

十一月癸亥濠州降卒錢帛各有差乙丑連水縣偽樞武軍使知縣崔萬迪以其縣來降尋受萬迪瓊州刺史亮開封府馬部軍都指揮使仍以鞍馬銀器錢帛等賜之丙寅制以為濠州團練使郭廷謂為濠州防禦使以為濠州兵馬都監太州團練使陳廷為沂州團練使以偽保義軍節度使陳承昭為右監門衛上將軍仍以錦袍銀帶賜之是日賜漣水縣歸降兵士衣物錢帛有差庚午為濠州團練使郭廷謂已下詣行宮見帝優以待之感厚加賜賚焉

十二月泗州守將范再遇以其城降尋援再遇檢校太保宿州團練使賜推城向化功臣仍厚加錫賚

五年正月甲寅韓令坤自揚州差人執江南偽閣門承旨李孝祚來獻廷祚稱奉李景命起遣江北人戶過江帝命釋之乃以錦袍銀帶賜焉是月又賜海州捉到軍校庠五錢帛有差

二月征淮南幸揚州辛酉為天長軍使兼樞州刺史易贇及監軍使周暉已下詣行宮見尋以贇為天樞節度行軍司馬以暉為萊州團練副使咸加賜賚焉

三月己亥賜江南書云皇帝恭問江南國主劉承遇至齊到草表分割盧舒蘄黃等州畫江為界兼重疊見謝者須逢多事莫通玉帛之勸適自近年遂構干戈之役兩地之交未息烝民之受弊斯多一昨再辱使人重尋前役將數久要須盡綏陳令者

承遇爰時封函復至請割州郡仍定封疆猥形信誓之詞備認
始終之意既能如是又復何求邊陲頓靜於煙塵師旅便還於
京闕永年欣慰深且誠懷其常潤一路及沿江兵棹今已指揮
抽退兼兩浙荆南水路將士各降詔士並令罷兵其廬黃蘄三
路將士亦遣抽拔近外若彼中起揭逐處將員兵士及都軍家
口了請只請差人勾喚將彼將校交割州城所有江內州昭或
慮上下須有往來已指揮只令北岸率駕盡合披陳幸惟體認
是月命監城監使申屠諤齎璽書押御馬拾疋金銀鞍轡一十
疋散馬四十疋羊千口賜江南國主李景諤先為王師所擒帝
釋而歸之因令齎是以往又命釋先擒到偽舒州刺史施仁望
令歸江南仍加賜齎焉

四月江南進奉使馮延巳以下辭賜延巳金器百兩銀器伍千
兩絹伍拾疋錢伍百萬細馬四十匹羊二百口使副偽給事中
田霖以下所賜各有差

五月降璽書賜李景云皇帝恭問江南國主竊以道契昌隆撫
有疆宇控諸方而定霸惣澤國以稱雄五嶺三江風聲自遠重
光弈世基構無窮不有奇傑之才熟副民庶之望朕威以涼德
奄宅中區接風壤以非遙幸馬牛之相及引領南望久渴徵猷
果契素誠獲親高義一昨繼勞使介頻奉好音方在行朝未遑
報命近還宮闕合遣輅車俾申玉帛之懽少合歲寒之意有以
國信今遣太府卿馮延魯衛尉卿鍾謨管押持送乃賜景御衣
四對金玉帶各一錦綺羅縠綾帛共十萬匹金器千兩銀器萬

兩御馬五匹并金玉鞍散馬四百匹羊五百口又賜其世子莫國信物稱是又賜絹十萬疋俾贖其師馬

六月辛未降璽書賜李景云朕居大寶之尊為邦之主体寧昊從人之意法禹湯罪己之心豁開襟懷昭示寰海方務協和之德豈亡曠之恩載想馳諒應鑒認相次收到江南諸軍察兵士四千六百八十七人今並放歸自是命使臣七人分番押送赴迎鑿渡過江仍以資糧賜之南軍無不感悅

七月庚寅放江南天輝拔山長劬兵士七百餘人歸江南

十月甲午放刑部侍郎馮延魯監門衛上將軍許文績右千牛衛上將軍邊鎬衛尉卿周廷構等並歸江南又勅淮南諸州舊隸江南者元置義軍並宜放歸農

十月庚辰江南主生辰國信使曹翰辭上令璽書以賜李景書云皇帝致書恭問江南國主星聚湖閩挺生英哲命世既榮於基構承家撫有於江山顧寡昧之膺圖與君王之協契屬茲誕日遂舉舊章仍輟近臣往脩國命導所懷於樂土期福履之無疆今差樞密承旨曹翰押生辰國信往彼到希見頗乃賜景金錦器十兩錦綺繒帛二十疋御衣三襲玉帶二條名馬二十匹金玉鞍勒各一付

六年辛滄州四月壬辰至乾寧軍偽寧州刺史王洪率其部眾以城來降賜物有差尋授隨州刺史

五月辛丑橋關以契丹偽州刺史高彥暉為華州刺史以偽鄭州刺史劉楚信偽寧州刺史以偽閩南巡檢使桃內斌為汝州

刺史皆賞歸順之智也

六月戊寅賜偽泉州節度使劉從效詔曰黃禹錫至省所上表歸附大朝兼於京都置邸務事具悉卿自保全土宇專養黎元立功早達於機樞臨事固無於疑滯而能望中原而內附陳方略以輸誠永言恭勤良多嘉獎爰自江南通和之後朝廷禮遇方深用息信以緩懷俾寰區而是則兼以卿本道地鄰江表嘗奉金陵遽有改圖理宜進善如上都置邸與彼抗衡雖百谷朝宗無以異也是時從效遣牙將蔡仲興為商人間道至京師求置邸內屬

新刊監本冊府元龜卷之一百六十六

新刊監本冊府元龜卷之一百六十七

帝王部一百六十七

招懷第五

周太祖以漢乾祐中奉命討河中李守身太祖令水軍沿河具戰棹長連城用步軍分守各以使臣監之賊小校劉重進高來降補招收十將付以錦袍帶積于城下令有賊軍

廣順元年正月徐州押牙鞏廷美教練使楊溫據城拒守勅曰朕昨迫於軍情遂臨帝位已曾示諭想備聞知汝等初得耗音爭無疑懼一則顧身探甲閉閤頂至如是令覽汝等報姚武文字備認心誠况汝等始則為使主竭忠終則向朝廷順命秉時甚善節義可嘉佇俟旌褒何煩憂懼近者已有勅真汝等並授

郡府只候新節度使入州即便施行恩命朕當示信於天下汝
宜諭旨於城中凡在軍民各宜安堵其諸元從職員宜安撫
三月丙寅與荆南高保融詔曰安蕃琦奏湖南船綱一行監押
節級官健四百九人在襄州朕以武陵長沙尋戈結讐既道余
而梗澁致官健以淹溜義在恤隣志惟休國禪歸途而所無滯
已降宣命下襄州取逐人便穩如願歸本道者即差人管押至
荆南俟到卿可差人部送至湖南

五月丁丑勅京兆鳳翔府朕臨御以來憂勤無怠慮庶政之尚
闕恐蒸民之未安寢食不遑夙宵若屬早歲雍岐連叛兵革荐
興迨至討平可知傷弊誠念負罪之黨尋以誅夷亡命之徒近
皆滌蕩則被釋放者皆為赤子經釐革者悉是平人雖性命之

永全在生涯之何有與言軫閔未嘗去懷其京兆鳳翔府先因
攻討之時收復之後應有諸色犯罪人第宅庄園店舍水磴曾
籍沒及本主來歸者已宣下本道却給付罪人骨肉為主仍仰
逐處嚴切指揮勿令所由表私開希邀求資金庶令存濟用副
朕懷

八月滄州王景言幽州飢繼有流民入界勅朕以沿邊百姓遭
因災沴遂至流亡拋棄鄉園扶携老幼未有安泊之地深懷憫
念之心宜切撫綏庶令存濟其邊界流移人戶差使臣與所在
官吏撫恤安泊其滄景德管內甚有河淤退灘之土蒿菜無主
之田頗有膏腴少人耕種可令新來百姓量力佃種只不得虛
占田土有妨別戶居住如是願在別管界內居住者亦聽取便

所在關津口岸不得阻滯如違有親識可亦聽從便所仍人各給斗粟委三司支給候安泊定取便耕種放差稅是日晉州送擒獲太原軍士二十八人各與巾履衫袴並釋之

二年正月賜兗州慕容彥起詔曰朕與卿以叙弟兄比無嫌隙自前歲奔逃之後尋時慰給如初察憂疑則惟以赤心邀信誓則指之曰日留男不居大職欲已只在舊藩動必依從斷無疑阻何必執心不定率意而行聚草寇於城中脩戰具於衙內發言不遜舉事無常差遣元隨主持鎮務恣令殘害債辦誅求率配之名三十件搶拾事力贍養奸克一境生靈不勝其苦南則結連淮寇北則勾喚劉崇早者差都押牙鄭麟口奏敷陳乞移藩閫朕惟心嘉納迴詔俞允昨上表請赴闕朕亦從卿意復成

欺侮讎有指名兼更偽作郡州畫題點染齊王勲德且非奇計何必如斯近者東南諸侯相繼卷報稱卿差點管內人戶團併義營欲擬發軍攻取鄰道衆情不伏問境被逃其百姓皆併力同心殺劫元隨鎮時例各將家迴避散投外界潛藏或則保聚山林就便措置寨柵懼卿挾仇屠害不保朝昏懸望官軍救護為主朕為人之父母爭不痛心弔伐之行蓋不獲已今差待衛步軍都指揮使英等部領馬步大軍問卿情狀卿若能悉知遭過東身歸朝當許全生待之如舊朕或違信是謂自欺卿若拒張便令攻取今更飛此詔始末指陳冀卿靜慮深思庶幾轉禍為福言盡於此卿其圖之

二月癸卯已先擒獲太原鄉軍頭周暉而下百三十三人各賜

錢黈遣拱拳官蓋繼明部送昭義界放還鄉里甲辰以先獲淮南指揮使燕敬權都頭趙筠官健吳進羅等四人放歸本土仍賜衣服金帛以遣召見謂之曰爾歸言達吾意於爾君凡人惡亮邪獎忠順天下一也我之賊臣撓亂國法嬰城作逆殃及生靈不意吾人助茲亮慝驅徒領衆涉我封陲南土君臣非良美之也

十月戊申兗州兵士數百人先在全州也戍其家口仍在本城中初就全州撫諭之且昨慕容彥超結連草寇毒害蒸民側近縣鎮鄉村無名脅徒從害人神憤怒須議討除朝廷已發大軍往被攻取汝等屯戍邊境勞苦經時言念忠勤不怠寤寐所有汝等家口並在兗州城內屬兆皆違相憂念在朕誠意暫不弭

忘已降宣命指揮曹英候收復城池日盡時遠得力負慕容部領兵士率先入城占據本營安撫逐日骨肉家口不得輒有驚恐五月親征兗州乙丑旦次金鄉曹英送賊黨文懷美三人至行在賜袍帶釋之癸酉賊散員都將周廷副歸順自是賊黨相繼來奔皆有所賜是月兗州行軍孫暉副使劉演及本城將校等為軍所獲者帝以其脇從皆賜衣裳以釋之諸村坊要路捕獲得賊黨者相繼而至帝多宥之彥超元隨都押衙鄭麟等玆及伶軍十數人王峻請而免之是月兗州平制曰應魯與慕容彥超同惡人之逃避潛藏者並與釋放仰於所在自出陳首百日不首者復罪如初應已伏誅逆黨人等於諸處有骨肉者先已指揮放罪招安尚慮本身抵法之後却有驚疑宜令所在州縣

明行告諭並釋放不問克州城內募職及縣官吏軍府將校令
並放罪其衙前州使西院職役人本城軍都並勤仍舊自慕容
彥超違背已未鄉川山寨招懷人等接便為非却掠虜殺今因
收復之後並與洗滌一切不問

八月淮南界俘獲耕牛雜畜詔送還本處

三年正月夏州李彝殷府州折德辰上言河東界為麟州刺史
楊重訓以蕃部攻圍繼來求便乞歸明賜勅書曰麟州刺史楊
重訓及軍州將吏職員等處夏州節度使李彝殷奏得汝等狀
稱劉崇拒命聖朝墜其逆壘今被部族侵迫乞垂救解兼已彌
大朝正朔并門逆命邊圖無歸值妖孽之脇從致朝貢之阻絕
今則蕃部兵士助我討違汝等哀告蕃鄰欲謀歸向備覲交通

之意時伸引納之仁宜示撫安用獎忠順已指揮州府及諸蕃
部不全進攻汝等便宜明宣朝百姓諭軍民應是通河東道路
口岸及時遣人守禦不得通人求往凡有公事一一奏取朝廷
指揮其官員將校職掌一切依舊仍分析名御甲奏當議等第
加恩兼之酬賞邠州折從阮言奉詔示諭慶州諸蕃部尋遣人
告報首領其野鷄第七門族首領李萬全及樹夥等族受勅書
領袍帶等設誓其諸族猶負倔彊見與寧諸軍襲擊次其日
戍申頌州折從阮言奉詔討逐州野鷄族兼招携諸部族臣自
前月具兵後招到樹夥等二十一族與勅書袍帶絲段設酒食
令發誓詞盟約兼排列兵士圍繞今已和斷兼補郝奕為慶州
牢城使又發龍健一指揮赴寧深州等言蕃界內歸未老小斬

多任便諸處安置三月已前解州刺史鄭元昭為慶州刺史克
青白兩池權監制置使廣順初以郭彥欽再刺慶州惟賣貨及
檀加推殘民夷流怨州北十五里寡婦山有蕃部曰野鷄族多
羊馬彥欽作法擾之利其賂遺蕃情廣悍易為不法彥欽乃奏
野鷄族暴盜掠奪網商帝難於興師遣使齎詔書撫諭望其率
化蕃人既苦彥欽惡政不時報命或曰野鷄部族蕃落之最微
者宜以兵誥而誅之乃移陝師折從阮鎮邠州又令寧州張建
武會合環州皇甫進兵功之建武勇於立功迺趨野鷄族帳追
擊數百人其喜萬玉族折思族殺牛族者皆熟戶蕃人此無猜
忌又殺牛素與野鷄族有憾且聞官軍討伐相聚餉饋欣然欽
奉官軍利其財貨孳畜劫奪之翻為諸族所誘至包山負險之
地官軍不利被蕃人追逐投崖墜澗而死者數百餘折從儉等
以兵自保無相救應建武陷長男餘衆僅免帝怒彥欽及建武
俱罷任彥欽至京師勒歸私第竟不得見建武左遷率府率是
月元昭兩池權監之任故特為制置以寧邊人

其月契丹降人偽授儒州晉山簿李著鄭縣簿正裔泰州司法
劉斐等著賜比明經出身裔斐此學究出身

五月沁州和川縣民四百戶來奔遣於河中安置命節度使慕容
容彥超分配居正撫安六月勅太原來降嵐州錄事叅軍丁守
加朝散大夫試大理評事兼監察御史為蔡州真陽令

世宗顯德元年正月詔自廣順元年後來幽州淮南西川河東
等界軍人百姓投降者累令安撫所在有無荒閑田土一任請

射住佃為永業西川接界久不通商今後一任來往所屬官吏防閑恐夾帶好細

三月辛未詔應公邊州府接近西川淮南契丹河東界處仰所在州府及巡檢使臣幹轄兵士及邊上人戶不得侵擾外界及虜人畜物要靜守疆場勿令騷動其投來人戶仍仰倍加安撫是月親征河東甲午次高平縣兵士戒嚴詔河東降卒二千餘人各賜絹二疋並給衣裳義軍各絹一疋令還本部受賜者無不歡于感泣

四月戊午偽遼州刺史張漢超待罪於行闕命釋之仍賜衣服鞍馬器幣等甲子偽州防禦使董希顏偽嵐州刺史郭言等詣行闕見帝命釋罪賜賚有差丙寅偽沁州刺史李廷誨見丁卯偽憲州刺史韓光愿見皆賚有差癸酉忻州偽監軍李就殺偽刺史趙臯及契丹大將楊耨姑來降尋以李就為檢校司空忻州刺史仍遣使慰諭

是月討太原迴詔河東及契丹散敗兵士其中有潛竄山谷間並令招喚不得輒有傷害如是義軍百姓便可放歸本家若是軍人及諸色人並監送至駕前各與穩便安排遼沁二州新屬諸府又蹈賊境深可憫傷委本道節度使倍加安撫所有劉崇煩苛事件並與除放

一年九月甲午昭義節度使李筠遣押牙送先擒到河東偽兵馬監押程友已下二百餘人到闕帝皆赦之仍加賜賚是月西南面招討使王景獲西川軍校姜暉已下三百餘人來獻帝曰

姜暉等悉是中朝將士昨拒王師盡力於偽主亦其忠也宜並赦之仍以錢帛賜之

閏九月潁州主言淮南百姓刑盛等二人渡淮而來言因失耕牛故來此尋覓本部以來自賊境奏稟朝旨帝曰率士之內皆吾民也豈以不庭之境便為限隔宜速放還仍給官錢市牛與之

十月以秦鳳卒詔秦成階等州歸朝將士自長行已上等第支賜優給其官吏將校職員等並與加恩其中有西川人負除恩澤賞賜外加願駐留者厚與請受如願歸去者並給盤纏用慰衆情免初性應捉到賊軍將校一切放罪並令押送赴闕各與恩澤自何里建等歸投西川以來訪聞管內州縣連歲飢荒百姓軍人部多勞役科歛頻併法令滋章既為吾民宜革前弊今後除秋夏兩稅徵科外應為蜀所立諸盤科率名目及非理徭役一切停罷德音未諉者宜令所司相次指揮

十二月辛卯領右衛將軍王繼冲押偽鳳州節度使王環已下四十三人到闕帝赦其罪頒賜有差先是自師興西伐至收復秦鳳前後擒獲川軍凡數千人帝皆赦之仍給以袍袴糗糧署為懷恩指揮由是降卒無不感悅尋以環為右驍衛大將軍仍以服玩鞍馬賜之

三年正月親征淮南壬子次永寧鎮帝謂侍臣曰壽州圍閉數月大軍暫退淮上如聞四面百姓往日入城迴避者多來歸業今王師再舉應其後入城中在為餓餒宜先告諭俾安其家乙

邠次趙村軍士於戍邏間擒到敗卒數人帝問曰爾敗來數日何不走入壽州而乃日夜奔走周旋不離此地蓋心迷耳命釋其縛仍以袍袴賜之

二月丁亥偽左神衛軍使徐象等一十八人來降賜錦袍銀帶鞍馬繒帛有差

三月偽命光州都監張承翰以城歸順授承翰集州刺史是月賜楊光二州先歸順員流張洪等三十五人錦袍銀帶戊戌壽州城內天成軍使蔡暉來降賜錦袍銀帶錢絹等壬戌壽州城內軍校陳延身等一十三人及水砮副將李溫等並來降賜物有差

是月命供奉官安洪道押江南進奉使副王崇質李德明等三武賴彼統臨有術遠肅邇安委伏方深凋頌何早忽覩所奏深愴於懷不朽之功既存於社稷有餘之慶宜及於子孫但以彼藩地處窮邊每經資略厥子年纔弱冠未歷艱難或虧駕馭之方定啓奸雥之便此令嗣襲貴示優恩必若踐彼危機不如置之安地其李彝超已際延州節度觀察留後前延州節度使安從前却除夏州節度留後各降宣命指揮使便勒赴任但夏銀緩宥等州最居邊遠久屬亂離多染夷狄之風少識朝廷之命既卞當於移易宜普加於渥恩應夏銀緩宥等州管內罪無輕重當赦所不原者并公私債負殘欠稅物一切並放兼自刺史已下指揮使押衙已下皆勒仍舊勾當各轉官資宜令安從進到日倍加安撫速具名銜分折聞奏朕自總萬機唯引一德內

安華夏外撫戎狄先既懷之以恩后必示之以信且如李從儼
之守岐隴疆土極寬高允韜之鎮廊延加慶亦衆咸能識時知
變舉族來朝從儼則見引大梁允韜則尋除鉅鹿次及昆衆並
建節旄下至將僚悉分符竹又若王都之貪上谷李賓之各朔
方或則結構契丹偷延旦夕或則依憑党項竊據山河固稟除
移唯謀旅拒比及朝廷差命良將徵發銳師謀悉萬全戰皆百
勝纔與討伐已見覆亡教萬騎之契丹隻輪莫返幾千族之党
項一鼓俄平尋拔孤城盡誅羣黨無遠無近悉見悉聞何必廣
引古今方明利害只陳近事聊諭將來或被覆要族之殃則王
都李賓足為鑒戒彼或覆全身之福則允韜從儼可作規繩朕
設西途爾宜自擇毋貽後悔有玷前脩今以天命初行人情未
定或慮將校之內親要之間幸彼幼冲恣其榮或歲成稼動致
累生靈今特差邠州節度使藥彥稠部領馬步兵士五萬人騎
送安從進赴任兼以別降宣命嚴切指揮安從進等委其訓戒
師徒叅詳事理從命者秋毫無犯違命者全族必誅先令後行
有犯無捨更慮孤思之輩樂禍之徒居安則廣造異端貴令擾
亂臨難則却謀相害自要功勳宜令李彛超體認朕懷宣諭彼
衆勿聽邪說有落奸機宣布丁寧咸令知悉

六月權知京南節度高從誨上章乞許自新重修職貢初從誨
父李與以請峽內三州事據城請命繕甲締結島夷從誨屢諫
不從及王師問罪孔循令門客李湜見李與諭以禍福李與悖
慢遂重誨俟其有間私於湜曰令公姓彊不能遠圖此事予嘗

號泣言之竟不聽從然予之操心必不負於國家苟王師退舍
聖上許其改圖予必可致令公首過公為予言之於朝執至是
李與卒從誨屢遣使致書於湖南襄陽師請上章保明願垂昭
洗先是湖襄表章交至是從誨復自上章首罪帝曰先臣叛命
不預從誨事可待之如初

長興元年九月淮南降將海州馬步軍都指揮使王傳極率黑
雲都兵士七百三十五人見於內殿各賜鞍馬衣段錢帛袍帶
有差

三年三月辛丑以淮南降人閩州觀察巡官閩澤為亳州譙縣
令仍賜緋

晉高祖天福二年二月初訪聞諸道州府等昨以朝廷近聞有指
揮搜羅官徒震驚戶口搔動鄉原致彼編氓不思樂業結集徒
伴藏避山林其間亦有按便為非率意行劫事不獲已想匪故
心今既國步宴寧春事興作宜行告諭各便歸遠務要耕農况
無徭役切慮有無知之輩拒罪不歸頃示條章冀令安靜限初
到後與量地土遠近與各令復業已前為非一切不問如限內
不來者其物業許鄰近人請射承佃或有不忍招携尚行偷劫
者一聽居停及隣近人審來陳告者許便占射賊人物業克賞
如賊無物業即與逐處指揮每告一人即與償錢二十貫之如
至十人已上更有銀鞍轡馬一疋此外並依所告得人數支與
賞錢仍據所願穩便處與補職安排逐處長吏遍下管內令
於山谷道口津渡如法粉壁曉諭仍不時差人四向專切招携

如是不能悔改尚務結集者委逐處差兵掩殺

七月初昨者魏府帥臣勿與狂悖河陽兵士小有驚擾已各命於討討盡平於巢窟軍興之際賊計多奸時發細人潛賈蠟禪意在離間上下點污忠良朕固無疑人何懷懼近聞尹暉忽然出外不赴朝參文姜繼英誤有傳聞亦茲潛匿且尹暉姜繼英位居班列事合審詳不謂此時偶幸勘酌朕情深軫憫恩在矜寬專遣招携特議釋放各安家人諸處招喚出來却令如舊一切不問此後諸處收捉到奸細文字等其捉事人依舊支給優賞細人盡時處斬文字當時焚燒冀表推誠免令惑衆布告中外咸使聞知仍付所司暉魏州人也少以勇健事連帥楊師厚為爪牙莊宗併其地昇為小校從戰河上每於馬前步鬪有功

莊宗即位連改諸軍指揮使明宗天成後領教郡刺史應順中王師討潞王岐下暉與楊權思首歸潞王約以鄴園應之路王即偽位帝入洛嘗遇暉通衢暉馬上橫鞭揖帝帝甚怒之及因朝謁謂偽主曰尹暉嘗不以歸命稍先階下欲令出鎮名藩外論皆曰不當偽主乃授應州節度帝即位改西衛將軍時炎光以暉失意嘗使問人以榮利啖之暉俱泝汴水欲奔歸淮南未出王畿為人所殺

繼英未詳何許人也事偽梁歷為內職唐莊宗朝歷諸位將軍出為絳州刺史明宗天成中改異州北白水陸轉運使旋移輝州團練使入為執金轉左監門衛上將軍繼收懷州金州加校檢太傅帝即位復居西衛至是以有弟為魏州子成都虞侯故

延光使人誘馮繼英不自安逃許州匿於所親溫延沼弟以繼英有女嫁延沼之故也竟不為溫氏兄弟所容知張從賓據汜水叛命繼英往依止尋為杜重威所擒送闕梟首北市時繼英有子曰懷德而萬泉令蒲中連帥安審信械而奏之尋有勅追受所受告勅釋之以繼英隱身不容本非為逆故也是時楊光遠討范延光于鄴送賊軍都頭王洪等十人至大寧宮前並釋放之

三年三月詔送箭書二百遣光遠射入賊城除范延光外並不為罪

八月帝以范延光據鄴城攻之經歲不下以師老民勞思解其役遣謁者入謂之曰卿既危賊敗在朝夕若能返掌轉規改節歸我我當以大蕃處之如降而殺之則何以享國明明白日可質是言因賜鐵券改封高平郡王移鎮天平延光謂門人李式曰主上敦信明義言無不踐許之不死則不死矣因撤去守備素服請降

十月制七莘師徒五營將士偶因罪累遂至逋逃曾効於忠勤宜顯行於招誘自用軍已來應有諸軍及諸色負罪逃軍諸處人等限一百日內許所在陳首並不問罪却與收管如限內不出復如舊諸州府應有見禁此色人家口骨肉並從釋放

五年五月安州制度使李金全叛歸淮南命馬全節以便洛汝鄭單宋陳蔡曹漢甲唐之兵討帝使供奉官鄭彥禮馳詔諭李金全曰邊藩都護三載一更古之制也嗣守世及則勞逸不均

朕俾全節代卿將授卿以重鎮何猶豫或感有異圖近覽復州上言云東陵洄口官度三戍皆稱江夏鳩集本軍大發樓櫓與卿應援又賈貞蔡進等咸以蠟書章表來投闕廷旋命六將徵兵三萬如能轉負從順朕亦待爾如初予之食言何以享國若其逆途不返即聾從昧則夷宗覆族良可哀也

六月淮南偽安州節度使李承裕率衆大掠輦其資貨而夜遁擒其監軍杜光業及部下將毛璘孫厚呂太徐引李重福等五百人露布詣闕帝曰此等何罪乃以所獲之馬與噐帛資表豐厚而賜之及待以館教光業等無仰天感激涕泣請死帝終不戮一人遂放逐之

六年八月制曰天覆地載無所不容改過自新於斯為美應亡命三澤負罪潛匿者並放罪招携各令歸業所在切加安撫如過百日不出者復罪如初

十一月襄州投來將士三百餘人到闕宣付侍衛司安排其首領賜衣帛有差

七年正月鎮州安重榮偽署深州刺史李從楨指揮使張仁希并都頭十將長行共九十七人先歸降到闕見賜衣物有差尋人押赴鎮州

必帝開運二年宣收降到秦州刺史晉廷謙軍州官吏已下至行宮前勅令釋縛賜晉謙噐帛鞍馬銀帶公裳又賜錄事叅軍李崇義司法叅軍張唯諫清苑主簿李正祐部署指揮使劉繼暉噐帛有差

漢高祖以天福十二年四月即位於太厚五月至霍邑詔諭鎮州趙瓚曰卿燕臺大族唐室懿親作鎮方隅既多善政應時制置素有嘉謀實兼文武之才比擅方圍之譽惟卿之身久從迫脇居胡土而當全骨肉還漢疆而近脫鋒銳浮沉祇繫於虜情舒卷非由於己意想其捥腕嘗所吞聲朕猥以耿躬式降丕構承曷天眷命副群后樂推方救玷危用極塗炭昨契丹見華人

不附尋已捉還今酋長所神物所誅俄間暴卒兵亡之兆其理昭然其永康王遁入鎮州與卿顯相疑貳今日一日於待賢館內已被繫俘所有僚屬將校並遭誅戮寃聲達聽恻性可量想計問之必多酸楚卿一門忠孝三代公王頂自靈冢寃當共清國難於我則既明向日於彼則無與同天自然燾土分茅長居

爵位重茵列鼎永慶來雲孟津之會宜先塗山之期勿後况車駕按幸已及晉無致他人別邀富貴臨軒睞注寤寐不忘所有諸道申奏蕃賊等逃遁事由表章文狀等並往其三軍官吏僧道百姓等別降勅諭示撫問用符卿意當體朕懷

六月至洛詔應有契丹除授諸道節度使觀察防禦團練使刺史及令銀賓僚將吏並各安職不議改更

十一月杜重威據鄴城拒城命中散指揮使樓彥章相次與軍士來歸彥章賜帛百段銀器四鞍馬等項有差

乾祐元年詔曰其有先曾仕契丹并有骨肉見在契丹者其本人本身所在切須安存不得妄有恐動

隱帝乾祐二年正月乙丑朔制曰河東守真鳳翔王景崇永吳

趙思綰等比吳國家素無讐讐偶因疑懼遂致叛逆所以命將
徵師聲辭問罪止期旦夕必見攻收然以彼之提封朕之黎庶
久陷孤壘可念非辜易子折骸填溝委壑為人父母寧不軫傷
但已屈已受人先王厚德包荒含垢列聖美談宜弘濟物之恩
用廣好生之道其李守貞王景崇趙思綰等宜令逐處都部署
分明曉諭若能幡然歸順朕並待之如初當保始終享其富貴
明申信誓固無改易其或不認推誠堅欲拒命便可應時攻擊
剋日盪平候復收城池罪止元惡其餘誅誣一切不問仍預告
諸軍破賊不日得殺人放火諸處草寇等拋棄耕農聚集林藪
晝伏夜動害動殘人前後累令剪除繼行招諭尚恐疑懼特示
寬恩如能改過知非出來陳首者應以前所有非為一切不問

宜令逐處節度刺史及巡檢使臣明行曉示宣達朝廷恩旨冀
其歸業常切撫安不得信任節級所由來私恐動重念征伐已
來勞役滋甚兵猶在野民未息肩急賦繁徵射彈力匱矜恤之
澤未下於疲羸愁之聲幾盈於道踞尚以軍旅未息帑廩無餘
猶稽蠲復之恩空懷愧憫之意即候邊鋒少弭國患漸除常議
優饒莫獲蘇息諸道藩後郡守咸分寄任供體憂勞宜更念彼
瘡痍倍加勤恤救鄉閭之疾苦去州縣之煩苛勸課耕農少察
寬濫共挾政理用副夏勞凡百臣勞當體朕意未憂州節度使
李彝因獻馬謝隸靜州為屬郡彝殷祖拓跋司恭唐光啓初得
夏州節鉞自相繼襲後唐明宗時命藥彥稠等討之彝殷招引
党項攻奪餉道食不能給彝殷登城言曰夏州虛名耳無珍寶

帑藏貢賦朝廷但以父祖相傳寓居此郡或朝廷指使征伐願
誓衆先登幸國家哀憐由是赦之自是傲視中原陰結叛臣朝
廷之赤心而羈惟之四月永興趙思綰遣牙將劉成詣闕乞降
制遂授趙思綰華州節度留後檢校太保以永興城內都指揮
使常彥卿為號州刺史九月以契丹偽署前武州刺史高奉明
為右衛將軍奉明曾任蔚州錄事叅軍頃歲契丹陷蔚州奉明
為審將南大王養子累授刺史戎王死永康立以鳳明為邢州
節度使以代麻荅麻荅主留鎮州未幾聞高祖南度高唐英死
於安陽心不自安乃請麻荅署馬步都指揮使留鐸為本州刺
史尋令知軍府事奉明歸於鎮州麻荅被逐奉明赴闕故授環
衛之官

三年三月徐州部送所獲淮南都將李暉等三十人徇於市復
給與衫帽放還淮南

新刊監本冊府元龜卷之一百六十七

新刊監本冊府元龜卷之一百六十八

帝王部一百六十八

却貢獻

禹別九州以任土貢周設九貢以致邦用量遠近之宜制輕重之法各以所有陳之紫極諸侯迷職非為重幣也四海會同非寶遠物也歸於宰旅賦之以時其或獻未有程人匪知禁或以寄而入貢或以貴而樂輸遠方之珍不足以登俎豆非時之物不足以充庖厨徒罄下情靡資國用歷代王者知上之所好下有甚者故斥之而不御迂之而不受書於簡編以垂執範茲有國之盛美也故錯綜其事著之於篇云

漢文帝時曾有獻千里馬者詔曰鸞旗在前屬車在後

鸞旗編以羽毛

列繫撞芳載於車上大駕出陳於道而先行屬車相連屬而陳於後也告行五十里朕乘千里之

馬獨先安之安之言何於是還馬道里費而下詔曰不受獻也

其令四方毋再來獻

後漢光武建武十三年異國有獻名馬者曰行千里又進寶劍

價兼百金詔以馬駕鼓車劍賜奇士是年詔曰往年已勅郡國

異味不得有所獻御今猶未止非徒有豫養導擇之勞未至其

時豫養之至乃煩擾道上疲費過所其令太官復受太官令一

石掌御膳明勅下以遠方口實所以薦宗廟者如舊制口實膳

也

章帝連初貳年四月癸巳詔齊相省冰紈方空穀吹綸絮紈水

言色鮮紫如水穀紈也方如也紈薄如空也或曰空孔也即今

和帝時舊南海獻龍眼荔枝十里一置五里一堆南海郡泰置

廣州記曰益智龍眼也交州記曰龍眼樹高五六尺似荔枝而小

實如鷄子其而多汁安石榴有甜酸者至日奔騰阻險死者繼

踞時臨武長汝南唐羗縣接南海臨武屬桂陽郡乃上書陳狀

元興元年帝下詔曰遠國珍羞本以薦奉宗廟苟有傷害豈愛

民之本意其勅大官勿復獻由是遂止馬唐羗字伯游辟公府

舊獻龍眼荔枝及生鮮獻之駟馬晝夜傳送之至有遭虎狼毒

善損小死亡不絕道徑武羗乃上書諫曰臣聞上不以滋味為

德下不以貢獻為功故天子食大牢為尊不以果木為珍伏見

交趾七郡獻生龍眼等鳥驚風發南州土得惡蟲猛獸不絕於

非履於傷犯死亡之害死者不可復生來者猶可救也二此物

安帝永初五年二月詔省減郡國貢獻太官口食

順帝永建四年五月詔曰海內頗有災異朝廷脩政太官減膳

珍玩而桂陽太守文龔不惟竭忠宣暢本朝而遠獻太珠以幸媚今封以還之

晉武帝咸寧四年十二月太醫司馬程據獻雉頭裘帝以奇技異服曲禮所禁焚之於殿前初內外敢有犯者罪之

穆帝升平元年秩南天竺稱檀獻馴象詔曰昔先帝以殊方異獸或為人患禁之令及其未至可令還本國

後魏孝文太和二年八月詔罷諸州禽獸之貢

六年三月行虎園詔曰虎狼猛暴食肉殘生取捕之日每多傷害及無所益損費良多從今勿復捕貢

宣武永平二年十月郢州獻七宝珠詔不納人龍驤將軍郢州刺史韓務獻七宝珠象牙席詔曰晉武帝焚雉頭裘朕常嘉之

今務所獻亦此之流也奇麗之物有乖儉素可付其家人

孝明時城陽王徽為鎮軍將軍時戎馬在郊王師屢敗徽以軍旅之費上國封絹二千疋粟一萬石以助軍用帝不納

隋高皇開皇元年三月詔大馬噐玩口味不得獻上十五年六月相州刺史豆盧通貢紋布焚之於朝堂

唐高祖武德元年十一月詔曰慢遊損德昔賢遺訓玩物喪志前聖格言西旅獻獒召公於是而作誠東齊饋樂尼父所以離心隋末無道四極奢靡內聘娼媼之樂外崇耳目之娛冠蓋相望徵求不息公私擾遽徭費無窮朕受命君臨志在儉約日旰忘食昧爽求衣慕組珠璣皆云屏絕雕鏤綺麗久從仰止其侏儒短節小馬痺車異獸奇禽皆非實用有諸此獻悉宜停斷宣

布遠邇咸使聞知

二年曷娑那可汗獻火珠帝曰珠信為寶朕所寶者赤心耳何
用珠為竟不受

六年欽州摠管審長直獻大珠昆州刺史沈遜融州刺史歐陽
世普豫州刺史秦元覽並獻筒中布連州刺史葉顥獻練布吳
王杜伏威獻竹帳帝以勞民皆不受之

九年九月突厥頡利獻馬三千匹羊萬口詔頡利所掠中國戶
口者令歸之

太宗貞觀五年新羅獻女樂帝不受并五色鸚鵡各令將還本
國二十年五月高麗王藏及靡離支蓋金遣使來謝罪并獻二
美女蓋即蘇文也帝謂其使曰歸語爾主美色者人之所重爾

之所獻信為佳治憫離父母兄弟於本國留其身而忘其親愛
吾若取其色而傷其心我不取也並還之

高祖永徽二年閏八月吐谷渾河源郡王慕容諾曷鉢遣使獻
駿馬帝問其種性對曰臣國中之最者所以獻之帝曰良馬人
之所欲豈可輟彼之不足者加我之有餘哉乃命還之

十一月詔曰戈獵吹游素非所好常謂此志布於遠近而蕃夷
有獻鷹犬者有阻來遠之情時復為受示以不違其意其諸州
更京官仍有訪求狗馬鷹鷂之類求進深非道理自今後更有
進者必有罪責

咸亨二年五月周澄國遣使上表來云訶迦國有白象首垂四
牙自運五足象之所在其土必豐既有威靈又弭災患力兼十

家強制百人以水洗牙飲之愈疾請發兵迎取以獻之帝謂侍
臣曰舜用漆器而人叛紂用玉林而亡此亦所費不多但是國
奢靡之漸不可啓也夫作法於儉其弊猶奢作法於奢豈能制
止故聖人越席以昭儉茅茨以戒奢書云珍禽奇獸不育於國
方知無益之源不可不遏安用其象令其遠獻乃勞其使而遣
儀鳳三年十月詔以來年正月辛東都劔南隴右諸州每年供
進物一二年且停

開耀元年十二月吐火羅進金衣一領帝不受

中宗神龍二年真臘國遣使表請往文單採光明珠頗黎玳瑁
以獻手制不許

玄宗開元元年以康安國突騎馳等貢獸多是珍異謂之曰朕
所重惟教所宝惟賢不作無益之費不貴遠方之物故錦繡珠
玉焚於殿廷車渠馬瑙摠賜蕃國今之進獻未識朕懷宜收其
情百中留一計價酬答務從優厚餘並却還是年突騎施遣使
索馳及馬降書謂曰卿遠貢忠信請獻馳馬朕玄默為神澹泊
為德稅彼部洛則有勞費已勅所司不令輒受深領厚意宜體
至懷

七年二月癸未勅宜州歲貢年支米一萬石宜停

肅宗至德二年六月戊寅帝降誕日公卿以下咸以進獻帝以
行在並不受

乾寧元年四月詔曰諸使應進鷹鷂狗豹等一切並停

元年卯月制諸道貢獻除馬畜供軍之外其餘鷹鷂狗豹奇禽

異獸並不得輒進

代宗廣德二年七月停饒州進乳米

德宗以大曆十四年五月即位閏五月丙子詔曰天下州府及新羅渤海歲貢鷹鷄等皆罷既來者所在放之戊寅詔曰山南之枇杷江南之柑橘歲次第貢者取一次以供廟饗餘皆罷之是月癸未詔曰餉南歲貢生歲酒十斛罷之

六月己亥朔詔諸州府祥瑞珍異奇獸鷹類奇器異服錦繡珠玉等並不得輒有進獻已未詔曰揚州每歲以端午之日鑄貢鏡於江中者及幽州歲貢麝香皆罷之

七月辛巳商州歲貢獼膠罷之

十月詔九成宮歲貢立獸鑪炭棗州貢蔗蕪及種時之功皆罷

建中元年四月癸丑德宗降誕之日也先是元日南至端午乃降誕之日四方執貢獻者數千萬及是帝以為非故事皆不納淄青節度使李正己魏博節度使田悅各獻綾三萬疋悉以歸度支以代租稅妃父王景仙駙馬高怡獻金銅佛像以為壽帝使謂曰有為功德吾不欲為悉還之

興元元年正月癸酉帝在奉天行在宮受朝賀大赦改元制諸貢獻自非供宗廟軍國之用一切並停

順宗以身元二十一年正即位二月甲子詔諸州府常貢外不得別進錢物金銀器皿奇綾異錦雕文刻鏤之類若已發在路者並納入左藏庫乙丑停鹽鐵使月造錢舊鹽鐵錢物悉入正庫以助經費其後主此物者稍以時氏珍玩時新物充進獻以

求恩澤後益甚進錢物為之羨餘而經入益少及身元逐月獻馬謂之月進及是而罷

憲宗永身元年九月襄州節度使于頔進鷹詔却還之

元和元年八月韓全義之子進女樂八人並入見帝曰吾方節約以訓天下宮中好樂尚有出之者此獻何為遂不受

六年四月以張茂昭好樂女子四十七人歸之

八年九月淄青節度使李師道進鶻十二命還之

十年九月初澤潞及鳳翔天威軍每進鶻子既傷物性又勞人力宜停進是歲王師討淮蔡諸侯皆貢財助軍太子賓客于順進銀七千兩金五百兩玉帶二詔不納復還

十一年三月初諸道今年端午進奉宜權停

十月初兩路兵戈尚未寧息春言供億每慮勞煩將贍軍需必省資用其今年賀冬來年賀正進奉並停

十二年二月初今年端午進奉宜權停

八月己巳處州刺史苗稷進助軍錢絹及雜等詔曰天下成敗固有常規刺史進錢固非舊典恐為後例獎及瘦民言念于茲義在隱惻其苗稷所進助軍錢絹共二萬六千疋端麻鞋一萬量宜却還本州苗稷將代貧下戶差稅箭一萬隻今付本道都團練使收管辛未勅伐叛吳師久勞于外饋軍給費固已為煩獻賀之儀屢至諒非朕志務從簡約式表憂勤其來年冬至及來年元日諸司諸道進奉宜停

十二年四月鈞南正州奏南詔貢獻助軍牛羊奴婢等項帝發

詔褒美不合進獻

十四年二月己酉韓弘進女樂十人命還賜之癸丑又進女妓二十人命放歸本道

穆宗以元和十九年正月即位三月罷中州歲貢茶以數少勞人從觀察使李程之請也

長慶三年正月詔應緣御服及器用在淮南兩浙宣徽等道供進并端午降誕常例進獻者一切權停并鷹犬之類除備蒐狩餘一切罷之

十月停浙東每年進淡菜及海蚶等

四年三月壬子詔天下常貢之外更不得別有進獻從節度使觀察使入朝亦不得進奉諸道監軍自今已後本道并入奏並

不得進獻天下所貢奇綾異錦雕文刻鏤一事已上有步踰制者悉皆禁斷鷹犬之流本備蒐狩委所司量留多以其余並解放仍勤州府更不用進來七月左金吾衛大將軍李祐進馬二百五十匹詔還之

敬宗寶曆元年六月己酉詔公主郡王自今已後無得進女口文宗以寶曆二年十一月即位是月鳳翔府淮南先進女樂二十四人放歸本道

太和元年三月右軍中尉梁守謙表請致仕獻馬五十匹玉帶五十條銀器五檔勅並不受

四年二月尚書左丞王起進亡兒播銀胡瓶百枚王及通天犀帶各壹條刀劍各一口器杖各一付馬二匹私白身三人有進

令受銀鞵刀劍器仗及馬其白身却还翊日重進擾不受旋命
中使就宅宣白身三人更不用進來

七年正月東州浙東奏准語立春後造新茶是月吳蜀競以盛
冬進貢帝深務人儉逆物之時凡諸道非時而貢者詔皆禁絕
八年九月詔應進奉口味時果為獻之外不得廣為般次煩於
郵傳

開成元年正月勅諸道賀正端午降誕賀冬進奉起今權停三年
其錢免折放百姓兩稅所在陰藥物口味茶果之外不得輒有
進獻百司及諸道應宣索製造一物已上並停
二月初諸道應以禽獸鳥犬等上獻者依四節例權停三年所
在監軍常進者如例

十二月初河東每年進蒲桃酒西川進春酒宜並停

三年六月諸道征鎮各奏准語停進奉以放貧下戶租稅

宣宗初魏譽為戶部侍郎平章事瞻毗國獻象譽以其性時不
安中土請還其使帝從之

大中七年二月吳元進犀牛有詔還之

哀帝天佑二年六月以福建每年進橄欖子勅曰禹別九州秦
分八郡勉務隨方之職須資利欲之源朕所以鄙葑醬於漢朝
慕青茅於周室用為儆戒以省征徭福建一道遠在海隅常勤
土貢每年所進橄欖子頗甚勞役往來本因閩監生長甌閩自
為耽愛率全供進以為定規况非薦熟之珍仍異尉庖之禮雖
彰忠蓋無濟如每年但貢進臘面茶外不要進奉橄欖子永為

常例

後唐莊宗同光元年十一月朕勅太平國患頭紹帝圖廓天地之妖氣救生靈之塗炭方懷至理永保鴻休敦去華務實之規成革故從新之化是可塞僥倖之跡絕繁靡之源協我無私告尔有位應隨處官吏務局員僚諸軍將校等如聞前例各有進獻直貢奏章不惟襲瀆於朝廷實且傍滋於諸飲頃宜止絕以肅化風

明宗即位初勅曰八表來王蓋率朝宗之義四方述職咸遵任土之宜苟獻奉之過常固煩費而茲甚將隆景運以俟雍熙且思於碎枕焚裘豈悅於珍禽異寶德宜從儉法在昇心起今後中外臣僚藩郡牧伯時節獻賀量事達情不得陪獻生命致令愁歎鷹犬之類勿有進獻同光改元天成下制曰征賦上供國之常典別因進獻懼削生靈應節度防禦等使除正至端午降誕四節量事達情自於內庫圓融不得輒科百姓其泗川刺史不在貢奉

長興二年九月辛亥勅曰馳騁畋獵聖人每抑其心奇獸珍禽明主不畜於國朕猥將寡薄處奉宗挑覽前代之興亡思昔人之取舍所以尋頒明詔遍諭遐方惟好生惡殺之仁罷鷓鴣鷹鷄之貢一則杜盤遊之漸一則遂飛走之情近日諸色人不稟詔條頻獻鷹準既不能守茲近勅則何以示彼後人頗謂踰違須行止絕其五坊見在鷹準之類並宜就山林解放此後諸色人並不得輒將進獻仰閣門使凡有此色貢奉表章不得引進

三年二月帝謂侍臣曰自今後行幸處宜令止絕進奉是月河東鄧度使石敬瑭進玉帶光潤異常帝謂之曰朕不少此物復以賜卿敬瑭拜獻數四方受朔日賜以良馬又藥彥稠進迴鶻可汗先遣使送金裝胡鞞遺秦王為党項所掠至是獲之而獻帝曰此物已經剽掠况曾曉諭凡破賊所獲軍中自收今置却賜彥稠所貴示人以信彥稠又進納党項所却回鶻玉二團尋却賜之

十月癸酉湖南馬希範荆南高從誨並進銀及茶所上章各稱與強寇比鄰長資防捍希宣賜戰馬以助軍容帝曰湖南接淮寇請馬為宜荆南在舊地何煩設備趙延壽奏曰藩人求馬不宜受人直請還其鞞量賜馬數十疋帝曰然乃賜希範五十疋

從誨二十疋還其鞞

十一月宣旨在京臣僚不得進奉賀長至馬及物色

永帝清泰元年七月兼毫陳汾四州刺史丁審琪而下各進馬賀中官受冊詔不納

二年五月詔曰朕聞竒技淫巧增費損功古先哲王常戒其事朕憲章百代臨御萬方以其欲致延鴻必絕驕淫之漸將期富庶須除蠹耗之源每務實以去華期化民而成俗近者諸色進奉寶裝龍鳳雕鏤刺作組織之異冀經釐革尚敢踰違宜再舉行貴於遵守今後此色物諸處不得進奉所由司不得輒通晉高祖天福二年四月詔下北京留守石重貴凡有諸道禮物不得收留

四年六月陳郡民王武穿地得黃金數餅州牧取而貢之帝曰
宿藏之地既非符寶不合入官命付所獲之家九月勅朕恭已
臨民虛心求理務崇儉約以致和平乃春臣僚悉懷忠義每觀
貢助備見傾輸雖嘉奉上之誠宜示酌中之道其寒食七夕重
陽及十月煖帳內外郡后進獻宜停

五年四月詔罷洛陽京兆進苑圃瓜菓憫勞人也

六年正月詔曰朕自御寰區每思黎庶貴除聚斂以活瘦羸方
聞遐僻邊境之州或無公廨利用之物每因節序亦備於貢輸
輟官吏之俸錢率鄉國之人戶雖云奉工具柰害公今後冬年
寒食端午天和節及諸色謝賀無屬州錢處不得進奉

周太祖廣順元年正月庚辰御札宣示群臣曰朕以耿末之身

託王公之上深懼弗類撫躬靡遑豈可化未及人而過自奉養
道未方古而不知節量與其耗費以勞人曷若儉約而克己昨
者所頒赦令已述至懷宮闔服御之所須悉從減損珍巧纖竒
之厥貢並使寢停尚有未該再令條舉應天下州府舊貢滋味
食饌之物所宜除減其兩浙進細酒海味薑瓜湖南椀子茶乳
糖白沙糖橄欖子鎮州高公米水黎易定粟子河南白杜黎米
粉菜豆粉玉屑粹子麵永興御田紅杭米新大麩興平蘇小粟
子華州麝香羚羊角熊膽獺肝朱柿熊白河中樹紅棗五味
子輕錫同州石鏃餅晉降葡萄黃消黎陝府鳳栖黎襄州紫薑
新荀橘子安州折糗米糟味青州水黎河陽諸雜菓子許州御
李子鄭州雜荀鵝梨懷州寒食杏仁申河蕞荷亳州單薺汜淮

郡淮白魚如聞此等之物雖即出於土產亦有取於民家未免勞煩率多靡費至時奔進以來猷逐歲收歛以爲常所奉止於朕躬所損破於猷猷加之力役負荷馳驅道途積於有司之中甚於無用之物此而不止孰曰知懲其常貢上件物色今後並不須進奉諸州府叟有舊例所進食味其未該者宜奏取進止此外猶有數處時新之物不敢全罷蓋或奉於太廟薦於祖宗苟至悉除恐黎常敬告於中外且副朕心帝嘗於便殿謂樞密使王俊曰語云饑者不厭糟糠寒者不厭短褐是知克飲禦寒取足而已存理路者亦不可以貴賤易其操朕少孤微艱辛備歷逢時喪亂享帝王之位安敢過自奉養以困黎民卿可爲予疏錄前代州府所猷滋味時菓之類不便於民者一切減省之

故有是詔二月鄭州吳處裕言州貢除新荀鵝黎之外今進櫻桃勅命不該今取進止勅此後復猷

二年十月右諫議大夫裴異右監門大將軍李崇本皆自兩浙使迴見進綾絹庫牙帝以海路艱險使臣復命不欲更令進貢却令賜之

十二月邠州侯章猷銀千兩馬七匹上壽不納又進請開宴絹千匹銀五百兩太祖顧侍臣曰請諸侯入朝帝王自備安以申魚水之樂豈俟貢奉然後致宴其侯章所進請開宴銀絹宜却賜之今後諸侯入朝更有如此進奉亦當不受

二年正月申前安州節度王令溫進請開宴絹五百足教坊一百足不納

二月前鄧州節度張彥成獻錢七千萬請開宴不納
四月丁巳鳳翔節度趙暉進奉錢絹請開宴不納壬午前同州
節度使薛懷讓進請開宴錢一百萬不納

八月戊申邢州節度劉詞獻請開宴銀絹不納

十一月甲辰兩浙迴使千牛大將軍賈延勳副使太府少卿李
玘等千牛將軍安崇費獻犀牙綾絹不納

顯宗元年正月通事舍人王演高麗命進黑水馬新羅刀劍不
納世宗顯德六年二月己酉迴鶻到闕進玉及銅鈔皆不納所
入馬量給價時帝以玉之爲用無濟於軍國故因而却之

新刊監本冊府元龜卷第一百六十八

新刊監本冊府元龜卷第一百六十九

帝王部一百六十九

納貢獻

夫貢之不供國有常典獻或無藝人必告勞是故王者取被樂
輸嘉其奉上宰旅歸其時事王府受其底貢大則謂之述職小
則會其時事是以無有遠巡賦以重輕既靡歎於無時亦曷謂
其勿受故禮曰各以所有傳曰史不絕書故始則列於邊實終
則資於國用其或守土者聚歛爲德希寵者悉索其賦雖甚盛
德猶或忽諸懲於前篇蓋亦有矣斯則明識者可俯而觀也

漢高帝十二年十月帝過沛留置酒十餘日乃去沛中空縣皆
之邑西獻

獻中酒也之往也皆往也
兩竟有獻故縣中空無人

後漢明帝永平十一年灤湖出黃金盧江太守以獻灤湖有今縣盧州合

肥音東南
源子小功

帝章建初七年十月岐山得銅器形似酒罇獻之

魏陳留王咸熙元年六月鎮西將軍衛瓘上雍州刺史成都縣

獲璧玉印各一印文似成信字孫盛以為公述自以起成都縣曰成二王之文殆述所作也

唐高祖武得元年十二月乙亥豐州總管張良孫獻騾耳馬二足

二年十月涼州刺史安修仁獻百年蘇云餌之可延壽

玄宗天寶元年五月平涼郡獲石鉄昇獻之九月益州獻三熟

蚕蠶緊白淨與春蚕不殊

代宗永太二年山南西道節度使梁州刺史張獻誠獻名馬二

匹絲絹雜貨共計十萬

大曆二年二月汴來節度使由神功至汴州獻馬十匹金銀器

五千床繒絲一萬匹

六月山南劔南副元帥黃門侍郎平章事杜鴻漸自成都府召

至鴻漸獻金銀器五床綿羅十五床麝香臍五石

德宗真元年十二月部 奏今年見到 貢物摠一百五十陸

州府

十一年齊暎為江西都團練觀察使暎嘗自以為相無大過當

復入用乃多進獻及為金銀器以希旨先是禁中銀餅大者高

一五尺餘及李蕪為江西觀察使又獻高六尺者至是年帝降

誕日及端午暎獻高八尺餘者

十二年宣歙團練使劉贇卒贇初委過副使巖綏政事多所容

訪贄卒綏掌留務竭府藏以進獻由是有恩入拜尚書刑部員外員天下賓左貢猷專達自綏始也未幾河東節度使李浣嬰疾事曠施行軍司馬鄭僖代總軍政選綏代僖為司馬遷檢校司封郎中是時姑息四方諸侯未嘗移代物故即以其軍司馬為帥德宗嘗嘉綏之前日進猷記其姓名故驟蒙選任未一歲僖卒拜授銀青光祿大夫檢校工部尚書兼太原尹御史大夫北都留守克河東節度支庶營田觀察處置等使興元初克復京師後府藏空虛道之有進奉以資經費復時有先索其後諸賦既平朝廷無事賦之外進奉不息帝幸劍南有日進李兼江西有日進杜亞揚州有日進宣州有日進李錡浙江皆號為進奉以固恩澤貢入之奉皆日臣於正稅外方圓亦曰羨餘節度觀察使或託言蠶旨乘此盜賀官物諸道謫罰官吏刻削祿廩入其財通津遠道者稅之蔣毓藝果者稅之死亡者稅之節度觀察使交代或先期稅入以為進奉然十敵其二三耳其餘沒者不可勝計也其後裴肅為常州刺史乃鬻薪炭貨紮贖日價之工皆覘利焉歲

餘進奉無幾遷浙東觀察使天下刺史進奉自裴肅始劉贄死於宣州嚴授為判官進奉嚴綏始天下賦稅根本既出江淮時江淮人甚用而聚斂不息

十七年衢州刺史鄭式瞻進絹五千疋銀伍千兩帝曰或瞻坐事以詔御史按問進物宜付左藏庫

憲宗元和四年四月命中使劉承謙宣付度支近有敕文不盡進奉其山南東道節度使裴均所進銀器六十事共一千五百六兩准數收管送納左藏庫

八年八月汴州節度使韓弘進絹五萬匹

九月淮西節度使吳元陽猷征馬三百疋

十三年四月荆南節度使王壽之子稷進永寧里宅及宣義里亭子時義以諤起兵間因綠際會累居大鎮原殞財貨營地宅

頗愈侈又請京兆府籍坊以廣亭謝朝廷業以優待姑容其傳
既沒而入於官司固其所也

十四年五月涇原節度使王潛進銀三千兩熟線綾三千疋
涇州 雖吳屬沃畝猶謂取諸人以干媚不免於讒責今則盜削軍實
以充貢獻而求恩澤蓋以時急於財勢使然也

七月宣武軍節度使韓弘進絹二十五萬匹絕三萬匹銀器二
百七十事左右軍中尉各進錢一萬貫馬二匹
自淮右宿兵已來度支益缺及

四方進獻不已始曰助軍寇平則曰賀禮其後又曰助賞設及帝加尊号又陳賀禮

九月考功郎中蕭祐詣右銀臺進古今書畫二十卷

穆宗以元和十五年正月即位八月澤路節度使辛秘進絀七
頭五坊使進絀八頭非常獻也

十二月江西觀察使王仲舒進臘日箭三千隻非常例也

長慶元年三月范陽節度使劉總請進馬一萬五千匹

二年九月鄜坊節度使崔從上言當管軍士因斲薪得古銅器

一四面有篆文隨表獻之

十二月韓弘孫紹宗進亡祖白身口五人馬十匹蠹駝十頭絹
五十匹銀二千錠及器物刁劒弓箭等

三年二月西川段文昌進繒羅等四千八百匹

敬宗以長慶四年正月即位二月庚子西川節度使杜元穎進
罽畫打裘衣五百事

八月淮南節度使王播進宣索銀粧奩二

九月淮南節度使王播又進宣索銀粧奩二

是月淮西淮南各進宣索銀粧奩三

寶歷元年六月以檢校右僕射兼戶部尚書薛平為檢校司空
兼河中尹御史大夫充河中節度觀察使平理青徐有政績時
論方洽及是進絹萬匹旋有此拜議者甚惜

十月荆南前節度使王潜於賀冬進獻帝數外別進綾一萬七
千匹是月昭義監軍使進豹三頭

十二月荆南節度使王潜又於賀正常進外別貢綾絹一萬匹
二年七月鹽鉄使王播進羨餘絹五十萬匹

十月幽州節度使李載義進紅馬腦鞍一具

十一月昭義節度使劉從諫進豹三頭

文宗太和元年三月太原節度李種進宣索馬鞍一百具奉先

朝之命也四方諸色貢獻類是者衆不復舉

三年十月故鄆州烏重裔男從弘奏請進助南郊絹一萬匹生
馬一百匹諸降中使交頌

五年正月詔天下方鎮端午進奉雜綵匹段等從今後並令進
生白綾絹

八年十一月太原節度使李載義進楊志誠馬五千匹

懿宗咸通七年沙州節度使張義潮進甘峻山青骹鷹四聯延
慶節馬二匹吐蕃女子二人僧曇延進大業百法明門論僖宗

光啓元年閏三月鎮州王鎰進耕牛一千頭戎器九千三百事
昭宗乾寧元年正月鳳翔李茂真來朝獻妓女三十人

天祐元年十二月廣州劉隱進佛誓國訶陵國羅越國所貢香

藥後唐莊宗同光元年十一月偽永平軍節度使張筠遺其弟
錢即開切進馬三十匹銀二千兩御衣千段

是月宿州朱保誣進本朝十二例聖寫真及玄宗封太山圖
二年正月鳳翔節度使李茂身進龍鳳玉帶是月滎原節度使
李暉進寶裝針珥錦絲於皇后宮及河南尹張全義諸藩鎮進
暖殿物貢羊馬等

二月福建節度使王審知遣使貢奉

三月淮南楊溥遣其右衛上將軍許確進賀郊天銀二千兩錦
綺羅一千二百匹細茶五百斤象牙四株犀十株

五月秦王李茂身遣使王脩進遺留禮物水精鞍盤龍玉帶故
馬礪酒盃翡翠爵琉璃餅玳瑁唾盃銀蓮花座珊瑚樹一株軍

器繒錦等

九月兩浙錢鏐遣使錢詢貢方物銀器越綾吳綾越絹龍鳳衣
絲鞋履子進萬壽節金器盤龍鳳錦織成紅羅數袍襖衫段五
色長連衣段綾絹金稜秘色瓷器銀裝花欄木厨子金排方盤
龍帶御衣白龍腦紅地龍鳳錦被紅藤龍鳳箱等

十一月湖南進羅浮箱子福建節度使王審知進萬壽節并賀
皇太后到京金銀象牙犀株香藥金裝寶帶錦紋織成菩薩愔
等是月湖南馬殿進萬壽節銀龍鳳簋花漆浴斛一盤龍御衣
龍鳳盛金鞞腰龍鳳裝箭箠龍鳳未皆弓紅絲絃金錢頭箭銀
十兩又安義孔勅進室裝酒器

十二月淮南吳國主楊溥遣使王權進賀正金花銀器錦絲千

改御衣金器泊太后禮物

二年二月桂州馬寶貢方物

是月車駕在鄴庚午皇后劉氏生辰王都樞密使各進上壽物
錦綵金銀器又河中李繼麟進纈銀為晏資又湖南馬殷進羅
浮柑子

五月吳越王錢鏐獻孔雀二又淮南吳越國主遣使王浩獻重
午物銀錦紗縠細茶篔簹扇龍鳳紗厨諸州府各貢端午物

九月徐州進九練神鋼刀劍各一

十月兩浙錢鏐留後錢元瓘蘇州節度使錢元瓘各貢金銀錦
綺數千件御服犀帶九經書史漢唐書共四百二十三卷

四年正月鎮州知州梁文矩奏淮宣進花果樹栽及樂官梅審

鐸等並已赴闕

是月兩浙錢鏐貢佛頭螺子青一山螺子青十婆薩石蛭子四
空青四其表不題又沙州節度使曹義金進謝賜旌節官告玉
鞍馬二玉團碣砂散玉鞦轡鉸具安西白檀胡錦椎黃波斯國
紅地松樹貍楊胡桐律金星舉大鵬沙

二月沙州曹義金進和市馬百匹羚羊角碣砂笔牛尾又進皇
后白玉符金青符白玉獅子指環金鋼杵瓜州刺史慕容歸盈
貢馬

明宗天成元年五月西都知府張籤進魏王繼岌打毬馬七十
二匹

九月壬申河中進百司紙三萬張詔紙二萬張舊制也

十一月戊辰戶部侍郎王權奏每年正仗天下貢物陳於殿庭屬戶部司引進切以近年以來未甚齊整本二百余州貢物今止六十餘州伏以任土勤王事本朝故事異甲尊獎所謂駿奔伏乞遍下諸州請依貢式陳進正仗之日所貴整齊從之是月淮南偽吳主楊溥差右使魯思郾來賀帝登極持銀千兩金百兩綾千二百匹茶三百角受之

二年四月偽吳國主楊溥差右威衛將軍雷峴進銀千兩綾羅錦綺千匹脩重午之禮

九月潞王從珂鎮河中進青氈帳一頂制度極廣并隨帳諸物並金銀裝雕鏤龍鳳甚有奇功帝嘉賞之

十月帝將幸汴州潞王從琦自河中間大罵巡幸進銀裝道遙轎子一頂

十一月福建節度使王延鈞進犀牙香藥海味等

三年五月西川進助大禮錢五十萬白熟布十萬匹

十月前北京皇城使李繼忠弟姪三人進馬二百五匹金器八百兩銀萬兩家機錦百匹白羅三百匹綾三千匹絹三千匹繼忠者故昭義帥嗣昭之子少有心疾其母楊夫人自潞州積聚百萬輦於荊州私第繼韜之叛沒之于官莊宗南郊助太平賞給繼韜伏法其母又輦及晉者餘百兩楊氏辛其弟相州刺史繼能潞府司馬繼襲聞哀俱至繼忠等詣官告變繼能繼襲伏法弟姪等遂得分其所聚故有是獻

十一月安重誨以生辰諸處人事得馬五十四進充內廐

四年正月青州於登州岸得風飄到新羅船進其寶貨
五月甲午東川奏進助南郊錢十萬貫

八月乙丑兩浙錢鏐使表韜進銀五千兩茶二萬七千斤謝恩
加諸子官

十月戊戌福建王文鈞進謝恩銀器六千五百兩金器一百兩
錦綺羅共二千匹并犀牙玳瑁真珠龍腦笏扇白疊紅疊香藥
等又進謝恩進封母為魯國太夫人銀四千一百兩茶蕉海蛤
通楸箭等長興元年五月靈武進野馳峯二枚

十月福建王延鈞進賀郊禮畢錢七千兩及蕉牙香藥金器百
兩

三年三月西京奏百姓侯可洪於楊廣城內掘得玉四團差三

橋鎮使朱廷又呈進賜廷又絹二十匹可洪等絹二百匹別賜
價錢二百貫

四年十月己巳夏州李彝超進馬十五匹又前秦州節度使劉
仲殷受歸京獻馬七十三匹

廢帝清泰元年五月壬戌平盧軍節度使房知溫來朝及與諸
將歸鎮晏於長春殿始奏樂知溫獻奉教萬計

七月辛丑前邠州節度使康福入朝獻金龍鞍勒馬十一匹
九月辛酉兩浙錢元瓘獻銀五千兩綾絹五十匹元瓘弟蘇州
中吳軍節度使元瓘及諸弟領安南桂廣節制元瓘等四人共
貢銀七千兩綾絹七十匹

十月丙戌皇子河南尹重羨洋王從璋涇王從敏宣徽使李專

美獻暖帳羊酒爐餅火具襄州趙在禮獻青氈帳紅錦織成龍鳳暖帳甲寅河南尹重美又獻冬服綿、綺綾羅三百匹

十二月丙戌靈武張希崇獻巨霜靈二器馬十八匹控鶴都指揮使李仲謙獻馬十匹時馬少親將首率也

綾絹各五千兩匹錦綺五百連金花食器二千兩金綾秘色磁器二百事靜海軍節度錢元珣中吳軍錢元球各貢銀綾羅器物

十月己巳鎮州董溫琪獻御服羅錦綾三百匹銀千兩非禮也言貢奉可也

十一月乙未前靈武節度使張希崇入朝獻馬五十匹玉團龐右地圖斜褐犛牛尾野馬皮巨霜菜

晉高祖天福二年二月丙戌故晉州節度使張敬達母朱氏進銀器馳馬謝恩賜還舊業丁酉故青州節度使房知溫子彥儒進絹一萬匹

四月戊子房彥儒又進絹五千匹己酉秦州康福建戰馬十匹供御馬一匹玉鞍轡一副幽州趙思溫進端午鞍馬器四縑帛等物襄州安從進二謝恩加官絹一千匹銀一千兩犀三株牙一株

九月鎮州安重榮進馬三十匹

十月宋州趙在禮進織成龍鳳紅錦暖帳

是月王吳越錢元瓘進銀五千兩絹四千匹越異文綾一千匹羅二百匹又進金帶御衣雜寶茶器金銀裝劍并細紅甲寶裝

弓箭等又進雜細香藥一千斤牙五株真珠二十斤茶五萬斤

十一月甲寅前涇州李德玩進戰馬三十匹犛牛四頭丁巳襄州安從進絹一千匹馬二十匹

十二月丙申宋州趙在禮進助國絹三千匹辛丑湖南馬希範進銀二千兩賀日南至乙丑又進金漆柏木銀裝起突龍鳳茶床倚子踏床子紅羅金銀綿綉褥紅綠網子又進金銀玳瑁白檀香器四銀結條假果花樹龍鳳畫鼓等物又進合膏批源洞白牙百靈藤潔江南嶽紫蓋峯白雲洞青花等茶又進蟬翼鍾乳、頭香右亭脂木瓜凡一萬顆藥橄攬子帝覽之謂侍臣曰奇巧蕩心斯何用耳藥名可進而九可食乎但地僻海曲習

以成風來遠之道邊止為難宜令所司典收

三月正月壬戌昭義軍杜重威進助國馬二十匹銀五百兩玉帶五條

五月己巳招謝使光遠進謝恩加官馬十匹絹一千匹楊銀器一千兩

六月丁丑鄆州安審琦進謝恩加官馬十匹銀五百兩絲一萬兩絹五百匹己亥河中安審信進謝恩加官馬三十匹壬寅荆南節度使高從誨進謝恩加官銀二千兩甲辰陝府李從誨進謝恩加官馬十匹錢一千貫

是月北京留守安彥威進謝恩加官馬一十匹錢三千貫

七月庚戌西京留守李同進謝恩加官馬一十匹銀一千兩錢

州安重榮進謝恩加官馬十匹絹二千匹

八月丁丑秦州節度使康福建謝恩加官銀器五百兩馬三十匹乙未鳳翔節度使李從巖進謝恩冊授秦王馬五十匹

九月乙丑鄆州安審琦進添都馬五十匹徐州長從簡直進馬三十匹亳州團練使郎萬金直進馬二十五匹丁卯倉州馬全節進御衣織成紅錦龍鳳床褥雜色綾一千匹綿五千兩

十月乙亥福建節度使王繼恭進天和節并賀冬端午銀共五千兩又進金器六事二百兩金花細綾銀器三千兩真珠二十斤犀三十株銀裝交床五十副牙二十株又進大茶八千斤雜香藥一萬斤朱葑銀纏槍二百條通節箭筈三萬莖又進五色桐皮扇子海蛤麝靴細蕉藥木瓜等物丁丑范延光薑男背

節守嚴等進謝恩累表使臣安撫馬三十匹銀一千兩絹二十匹己卯青州王建立進謝恩賜冊禮銀器一千兩繒帛二千匹丙戌兩浙錢元瓘進謝恩除天下兵馬副元帥吳越國王金器五百兩銀一萬吳越異紗綾八千匹金條紗三千匹絹二方匹綿九萬兩大茶腦源茶共六萬四千斤又進大排方通庠瑞象腰帶戍子前鄆州安審琦進絹三千匹絲一萬兩兩浙錢元瓘進珍珠二十斤牙二十株乾薑五萬斤蘇木五萬斤雜香五十斤辛卯宋州趙在禮進助國錢二萬貫丙申魏府楊光遠進謝恩允臣朝覲馬三匹絹一千匹玉腰帶金酒器等又進謝恩賜旌節官誥馬五匹絹一千匹又進請開內宴金腰帶安審琦進謝恩賜旌節官誥馬二匹絹一千匹又進請開內宴金腰帶一

條絲一萬兩樂官絹二百匹壬寅徐州棖從簡進錢一千貫絹一千匹鎮州安重榮進錢一萬貫

十一月乙巳鄆州范延光來朝進馬二千匹絹一千匹銀一千兩丙午又進請開內晏絹一千匹伶官絹二百匹定州皇甫遇進絹三千匹丁未范延光又進絲十萬兩耀州團練使安元信進添都馬二十匹甲寅新授西京留守楊光遠進謝恩馬三十匹銀三百兩絹一千匹丁巳鄆都副留守太子太師致仕范延光進謝恩馬十匹絹一千匹玉腰帶一條金匣盛金酒器一副壬申前西京留守高行周進絹一千匹馬一匹

十二月己卯新授鄆都留守高行周進謝恩馬十匹絹一千匹銀器三百兩買內宴錢一千貫乙酉湖南馬希範進御輦一乘

金漆栢木鏤金花板銀裝珍珠車渠紅絲網囊又進謝恩除江南諸道都統絹二千匹又進謝改功臣加食邑銀鈔羅四十面重二千兩又進士絕古具布共三千匹謝恩放免逐年三絹士十五萬茶稅又進麩金五十兩

五年二月戊申湖南進臥輦一乘製一襲與鳳文之靴龍王之帶

六年八月甲申湖南遣使進金銀器及方物十月己丑吳越王錢元瓘遣使進金帶一金器三百兩銀八千兩綾三千匹

萬匹金條紗五百匹綿五萬兩茶三萬斤謝恩加守尚書令辛卯又進象牙諸色香藥軍器金裝茶床金銀稜瓷器細茶法酒事件万余甲午湖南遣使貢諸色香藥蠟面含膏茶壬子福州

王延義遣使進銀四千兩象牙二十株葛五千匹乾薑蕉乳香沉香玳瑁諸物謝恩加官別進端午節銀一千兩細葛二十匹海蛤靴裁扇子等又進茶五千斤福建兩浙隔閩淮南陸道不通歲以海船來往風濤無常故凡節度申貢或先時或不及時也癸丑福州進度支戶部商稅葛八千八百八十匹

十一月戊午殿中監劉政恩進竹牛角五對壬申荆南遣使進金器一百兩御衣段羅綿綾絹一百五十匹白龍腦香三斤九練純鋼金花手刀二口謝恩賜御馬別進賀冬至銀五百兩巳卯殿中省進麝香熊膽能躡從舊制也丁酉湖南遣使獻古具等三千匹熟白蠟一万斤珠砂五百斤并諸香藥五千余斤別進漆器萬餘事

七年三月戊寅前涇州節度使張彥澤到闕進朝見謝恩馬九匹又進馬五十匹并銀鞍轡黑漆銀錢子馬面人鐵甲弓箭袋渾銀裝劍共五十副庚辰又進駱駝二十頭巳卯又進馬五十匹供御金渡銀鞍轡一副庚辰又進馬五十匹鞍轡全人馬甲弓劍各五十副彥澤在到仕擅討吐蕃部族為其所敗遂括覓內馬千餘匹以補其數至是頻有是獻

四月巳巳新授龍武軍大將軍張彥澤進謝恩馬五十匹五月甲申朔荆南遣使進賀端午白金齒緋葷扇等物少帝天福七年七月即位十一月兩浙錢弘佐遣使又進錠銀五十兩綾五千匹絲一万兩謝恩封吳越國王又貢細甲弓箭箭子等又貢蘇木二万斤乾薑三万斤茶二万五千斤及秘色瓷器

鞋履細酒糟薑細紙等迴鶻托都督已下進硃砂一千八百斤
犂牛尾一千斤白布一万匹斜褐一百段玉梳玉裝刀子等物
十二月福建王廷義遣使進錠銀二千兩花鼓六面謝降恩命
又進象牙十株紅蕉二百匹蟬紗一百匹躡香沉香煎香共六
百斤胡椒五百斤肉荳蔻三百斤箭幹二万隻謝賜国信又進
錠銀四千兩貢蕉二十匹海蛤一斤扇子靴裁具等克端午天
和節正冬獻賀又值進錠銀一千兩烏一万匹細蕉二百匹粉
薑五千斤象牙十株蠟面茶二百斤大茶五千斤又進鹽鐵度
支戶部三司烏一萬六千六百匹及諸口味等

八年十月鎮州節度使杜重威直進馬五十匹

十一月密州刺使張榘奏膠西縣孝行鄉諸城村百姓于希得

蛇吐珠一顆進之時無慰答亦無銀資議者非之

開運二年十月朔南進供御細絹六千匹衣著白羅一百匹筒
卷白羅十匹錦綺褥面十床錦倚背十合淮南進羅敷一百匹
謝賜御馬

三年九月前青州防禦使程光業進絹一千匹綿三千兩絲七
千兩

十月河府使益進馬五十匹陝府焦繼勳進馬四十匹絹一千
匹華州安審信進馬四十匹太子太師致仕刘景巖進馬三十
匹鳳翔李從儼進馬四十匹

十月兩浙錢弘佐進謝恩授守太尉冊命銀五千兩綾五千兩
絹一万匹綿五万匹又進太茶一万八千斤腦源茶三万四千

斤又進乳香黃散香黃熟香煎香胡椒草荳蔻大腹高良薑共一千斤又進乾薑三萬斤蘇木三萬斤又進箭筈一萬莖諸色戊戌磁器等物又進啓聖節金大排方座龍腰帶一條御衣一襲十六事金花銀器一千五百兩御服錦綺綾羅五百段漢高祖天福十二年荆南高從誨賀登極進金花銀器一千兩異文綺錦法錦三百匹筒卷白羅二百匹白花羅一百匹長線絨毛暖座兩枚九練純鋼手刀一口

乾佑元年戶部進天福十二年諸州貢物奉勅直依乃付所司隱帝乾佑元年六月壬寅荆南高從誨貢金器二百兩銀器千兩細錦五十匹繡錦六株五十段羅二百匹龍腦二斤以首過目新故書

十月丁酉湖南馬希廣貢歲除夜遊春圖女俠畫障玳珠枕及端午金銀雕裝物色常年未及冠服玩好奢嘗為七宝枕玉枕玉御餅盤之類而湖湘貢侈物益蕩其心

十一月兩浙貢茶三萬四千斤及香藥兵仗湖南貢茶五萬斤十二月癸未史弘肇獻錢萬給馬二十匹以助軍討叛郎州節度馬希萼獻銀器千五百兩降詔獎飾仍諭之云所脩賊貢舊有程規念航深梯險之勞重違卿意在誘善勸忠之道本是朕心今後凡有進獻可與希廣商良庶叶雍和丕體例

二年九月壬寅湖南馬希廣獻絹二萬匹銀一萬五千兩玳瑁寶裝龍鳳飯床瑁裝盤龍倚子蹋床子銀戲龍二銀食器六十八事玳瑁花銀果子其銀共千兩是年宰相侍衛使三司使

以大戎犯河朔獻添都馬自三匹至十二匹

周太祖廣順元年正月荆南高保融貢銀一千兩法錦二十匹
賀登極癸巳寒食節帝出玄化門設御幄遙拜諸陵開封府表
義獻熟羊酒食丁巳宰臣馮道已下獻馬賀皇子授鎮寧軍節
度使已未招義常思貢錢三十萬賀里子鎮澶州又直進錢二
千五百貫布二千五百端粟七千石故使肇弟弘福貢弘馬五
匹錦綵五百匹謝禮并兄弘肇漢末弘肇揚邠王章遇禍帝葬
以王禮襄事並官給

四月宰臣樞密宣徽使各馬獻賀冊德妃荆南高保融貢銀二
千兩謝加恩別進請開宴絹千匹金酒器重五十兩素羅花羅
花穀子各百匹長金線絨毛暖十二壬子兖州慕容彥超獻龍

鳳鞍轡御馬縑帛賀冊德延高保融又貢端午銀絹青干子扇
等五月甲子鎮州武行德來朝獻粟二万石

七月邠州侯章進馬三十匹甲申慕容彥超上章謝賜西京興
教坊第一區長男衙內指揮使繼勲遙領明州刺史次男繼雲
轉官進絹千匹絲三千兩別進永壽節祝壽絹二千匹

十二月荆南獻銀五百兩慕容彥超獻馬二匹皆賀正也

一年三月鄆州高行周進助軍絹五千匹并戎裝器仗五百事
四月丁未潞州襄垣縣民張紹光等八人詣闕獻羊酒以除放
去年殘稅謝恩也

五月車駕親征兖州次曹州鄆弘章獻銀射筮百隻衣着三百
匹鄆澶宋許四鎮各獻茶藥是月甲子旦次成武鄆州高行周

自鎮來朝貢絹三千匹及器械單州許遷來朝獻食丙寅次張
三月高懷德進絹三千匹銀三千兩金酒器六副馬十五匹敕
賜亡父行周謚及立碑

四月丙寅宋州節度使常思入朝獻繅銀匹兩各二千五百大
絕綾五百匹又鳳翔趙暉來朝進馬一百一十七匹絹五千匹
銀五千兩賜襲衣金帶又西京府節度使中師厚遣都知兵馬
使托拔身美等四十九人朝貢馳馬又鳳翔趙暉進牽橐官衙
隊一百九十五又進絹三千匹金三百兩

五月甲申宴於廣政殿宋州常思獻上壽金酒器同州薛懷讓
獻銀五百兩馬五匹

十一月乙巳襄州安審琦獻銀萬兩助郊祭已亥兩浙錢弘俶
貢謝恩綾絹二萬八千匹銀器六千兩綿五萬兩茶三萬五千
斤御衣兩襲通犀帶戲龍金帶香藥麝器銀裝甲伏法酒海味
等戊寅涇州節度使史懿朝獻馳馬二百銀千兩癸卯鄭州見
防禦使王萬取獻助郊祭絹二千匹

六年六月大名府王殷貢絹萬匹棣州何祿進獻供內羅綺二
千五百匹荆南高保榮進白龍腦法錦金酒器紅六銖段五十
白羅花羅熟穀鹿胎袴段六銖僮面等各一百九練神鋼陷金
銀刀劍各一

十二月辛亥諸州府進南郊助祭鞍馬絲帛金銀等
世宗顯德三年二月丁亥荆南節度使高保榮進御衣金帶九
鍊純鋼手刀弓箭等

十一月丙辰吳越王錢俶進銀五千兩綾一万匹又進天清節金花銀器千五百兩及御服金帶錦綺綾羅等

五年二月辛揚州壬申吳越王錢俶進御衣犀帶綾絹白金香藥等又進供軍稻米二十萬石

四月吳越王錢俶進綾絹各二百匹銀一万兩稱謝恩賜國信康鎮徐州王晏來朝進馬七匹戊寅青州節度使符彥卿來朝獻馬十三匹己卯又進錦絲三千匹軍糧萬石

六月丁亥廸次鄆州高行周進錢絹請開晏又進車駕巡幸絹五千匹錢五百萬戊子晏於行宮行周以金酒器鞍馬為壽辛卯次澶濮滑州扈彥琦來朝王殿獻馬十匹三千金酒器

八月昭義節度使常思來朝獻絹三千匹銀千兩粟二萬斛草

三萬圍

九月戊午故高行周男前鄆州衙內指揮使高禳德進馬五十匹壬戌零武節度使番後馮繼業進馬百匹王一團謝恩起復別進供御馬十四匹

十月靈武留後馮繼業獻馬百匹謝吊祭定州進所獲契丹馬六千一百匹

十一月甲寅兩浙錢弘俶遣判官貢御衣犀帶金銀裝兵仗金銀器綾絹茶香藥物秘色甕器鞵履海味酒等涼州中師厚進馬一百一十六匹詔還其直閑廐使史弘福獻馬謝却涇陽州物產

十二月鄆州防禦使王進以迎侍母親到郡獻馬謝恩進母先

住易州離兵單失其所在近於北蕃訪獲迎而歸之故喜而稱謝戊子邠州侯章罷鎮至開獻馬百匹絹五千匹

二年正月樞密使王峻獻戰馬二十匹宰臣判三司李穀所傷臂漸損始任拜起進朝見馬新除天平軍節度使符彥卿進謝列真馬十匹帛二千匹及軍器等丁卯節州獻茶二万斤宰臣樞密宣徽內諸司使禁軍將校諸藩鎮皆進奉賀皇子嘉禮

二年延州衛內指揮使高紹基獻馬四十二匹紹基父死擅知軍政潛有覲望及軍屯近鎮故惧而獻奉三月又獻馬五十匹駝三十頭

閏七月癸丑吳越王錢俶遣使朝貢進銀五千兩綾二万匹銀器二千兩細衣段二千連又進御衣盤龍犀帶等

八月吳越王錢俶進銀五千兩絹万匹稱賀車駕還京又進龍船一隻天祿船一隻皆以白金飾之帝幸新河亭命宰臣及從官已下觀吳越所進龍舟時京師士庶觀者如堵

十一月吳越王錢俶進茶三万四千八百斤綿五万兩及香藥器甲等

十二月吳越王錢俶進銀五千兩絹三万匹絲十万兩稱謝恩賜国信又進賀正銀一千兩絹一千匹

新刊監本冊府元龜卷之一百七十

帝王部一百七十

來遠

古者天子守在四夷脩其教不易其俗故曰率土之濱莫非王臣要在其勞俸安緝示以洪覆日月脩燭咸俾遂性者粵自舜敷文德聿來不庭柔服之道於茲著矣三代而下威惠並舉臣捨有術然緩懷撫接務廣仁恕其撥一也故有漸諸聲教列於俎服悅以玩好用示霸縻或因其欲塞處之善地或恤其懷土俾還所屬始乃敷諭暘勞接以濱義終乃優秩厚弊申之恩紀至於極濟災暴教育艱苦振廟遺乏通其貿易惠州於存沒德柔於荒絕是至重譯而至咸即其序實聖人之鴻化也

舜命禹征有苗三旬苗民逆命

旬十日也以師臨之一月不服責舜不先有文誥之命威讓之

辭而便憚之以威脅之以兵所以主辭

益贊于禹曰惟德動天無遠弗届

至也益

以此義佐禹歆其脩德致遠

滿招損謙受益時乃天道

自滿者人損之自謙者人益之是天之常

道帝初于歷山往于田日號泣于旻天于父母

仁覆愍下謂之旻天言舜初耕

于歷山之時為父母所疾日號泣于旻天及父母克已自責不責於人

負罪引慝祗載見瞽瞍夔

夔齊慄瞽亦允若

慝惡載事也夔夔慄俱之貌言舜罪負司惡敬以事見于父慄俱齊莊反亦信順之言能

以至誠至誠感神矧茲有苗

誠和矧况也至和感

禹拜昌言曰

俞班師振旅

昌當也以益言為當故拜受而然帝乃誕敷文德

帝乃誕敷文德

遠人不服天布

舞干羽于兩階

于階羽醫也皆舞者所執修聞

事七旬有苗格

討而不服不計自來明御之者必有道三苗之國佐洞庭右彭蠡在荒服之列去京師二千五

里百漢高帝初封項無為陸量侯詔以為列諸侯自置使令長受

令長沙王

秦始皇本紀所謂陸量也取於桂林郡者也

武帝元狩二年秋匈奴渾邪王盡將其衆度河降者數萬人號

稱十萬既至長安天子所以賞賜數十鉅萬封渾邪王萬戶為

潞陰侯

潞陰平原縣潞音榻

封其裨王呼毒尼為不麾侯

呼毒尼胡王名

應疝

仇

禽黎於河綦侯

一作鳥黎

大當戶調雖為常樂侯

一作稠維

四年夏大將軍衛青將四將軍擊走單于於幕地先是衛尉張

蹇坐後期贖為庶人帝數問蹇既失侯因曰大夏之屬騫臣居

匈奴中間烏孫皇號昆莫父難兜本與大月氏俱在祁連燉煌

間小國大月氏攻殺之昆莫後攻破大月氏大月氏西走昆莫

因留居今單于新困於漢而昆莫地空蠻夷故地又貪漢物誠

以此宜厚路烏孫招以東居故地漢遺公主為夫人結昆地其

勢宜聽言事事所則是斷匈奴右臂包既連烏孫自其西大夏

之屬皆可招來而為外臣天子以為然拜騫為中郎將將三百

人馬各二匹牛羊以萬數賚金帛直數千鉅萬多持節副使為

之副而各道可使遣之勞國騫既至烏孫致賜論指以天子意

未能得其決騫即分遣副使使大宛康居月氏大夏烏孫發道

譯送騫道讀與烏孫使數十人馬數十匹與騫相隨而因令窺

漢知其廣大騫還拜為大行歲餘騫卒後歲餘其所遣副使通

大夏之屬者皆頌與其人供未於是西北國始通於漢矣又帝

遣從票侯趙破擊破姑師虜接蘭王而大宛諸國發使隨漢使

來是時帝方數巡狩海上迺悉從外國客大都多人則過之散

財帛賞賜厚具饒給之以覽視漢富厚焉視讀曰示言示之令

大角氏氏丁礼切出竒戲諸怪物多聚觀者聚都邑人令觀者

喚行賜賞酒池肉林令外國客偏觀各倉庫府藏之積欲以見

漢廣大傾駭之見顯及加其眩者之功角氏竒戲歲增變其益

興自北始而外國使更未更去連互未去前后

大宛已西皆自恃遠尚驕恣未可誑以礼羈縻而使也

宣帝神爵二年五月置金城屬國以處降羌三年匈奴日逐王

畔單于將眾未降護部善以西使者鄭吉迎之既至漢封日逐

王為歸德侯吉為安遠侯乃因使吉并護北道號曰都護

甘露二年十二月呼韓邪單于款五原塞款也叩願朝三年正月

會正旦之遣帝車騎都尉韓昌迎發過所七郡郡千二騎為陳

道所過之郡每為發兵陳單于正月朝天子于其泉宮番月

道列於道以為寵衛也

餘遣歸國遣長樂衛尉高昌侯董忠車騎都尉韓昌將騎萬六千又發邊郡士馬以數千送單于出朔方雞鹿塞

在朔方
譚縣七

哀帝建平四年匈奴烏珠番單于願朝五年時帝被疾或言從上遊來厭人自黃龍竟寧時單于朝中國輒有大故帝由是難之以問公卿亦以為虛費府帑可且勿許單于使辭去未發黃門郎楊雄上書諫之書奏帝吾馬召匈奴使者更報單于書而許之單于未發會疾復遣使願朝明年故事單于朝從名王以下及從者二百餘人單于又上書言蒙天子神靈人民盛壯願從五百人入朝以明天子盛德皆許之

後漢光武建武六年令歸德侯劉歆使南匈奴亦遣使未獻帝復令中郎將韓統報命賂遺金帶以通舊好而單于驕居

自此冒頓對使者辭語倖慢帝之如初

二十五年十月天餘王遣使貢奉帝厚答報之於是使命歲通明帝即位西羌燒何豪有婦人比銅鉗者年百餘歲多智筭為衆人所信皆從取計策時為盧水胡所擊比銅鉗乃將其衆來依郡縣種人頗有犯法者臨羌長收擊比銅鉗而誅殺其種六七百人帝憐之乃下詔曰昔桓公伐戍而無仁惠故春秋貶日齊人今國家無德恩不及遠羸弱何幸而當并命夫長平之暴非帝者之功咎由太守長史妄加殘戮比銅鉗尚生者所在致醫藥有養視今招其衆人若欲歸故地者厚遣送之其小種若耒乎自詣欲効功者皆除其罪若有逆謀為吏所捕而欲狀耒未斷悉以賜有功者

和帝永元三年北單於弟左鹿蠡王於除鞬自立為單于衆八部二萬餘人來居蒲類海上遣使款塞以耿夔為中郎將持節衛護之桓帝延熹元年十二月南單于諸部並畔遂與烏桓鮮卑寇緣邊九部以張英為北中郎將討之單于諸部悉降莫以單于不能統理國士乃拘之工立左谷蠡黃帝詔曰春欣大居車兒一心向化何罪而黜其遣還庭臣欽若等曰居車兒單于名也

魏文帝黃初三年三月鄴善龜茲于聞遣使奉獻詔曰西戎即

叙氏羌來王詩書美之傾者西域外夷並款塞內附叩塞門東款仰也皆

從其遣使者撫勞之是後西域遂通置戍已校尉

明帝景初二年六月委女王遣大夫難升米等詣帶方郡求諸天子朝獻太守劉夏遣吏將送詣京師其年十二月詔書報倭

女王曰制詔親倭王俾稱呼帶方太守劉夏遣使送汝大夫難升米次使都市牛利奉汝所獻男生口四人女生口六人班布二疋二丈以到汝所在踰遠乃遣使貢獻是汝之忠孝我其哀汝今以汝為親魏倭王假金印紫綬裝封付帶方太守假授汝其綏撫種人免為孝順汝來使難升米牛利涉遠道路勤勞今以難升米為率善中郎將牛利為率善校尉假銀印青綬引見勞賜遣還今以鋒地交龍錦五疋絳地縐粟罽十張菴絳五十匹緝青五十匹荅汝所獻貢直又特賜汝緝地句文錦三匹細班華罽五張白絹伍十匹金八兩五尺刀二口銅鏡百枚真珠鉛丹各五十斤皆裝封付難升米牛利還到錄受悉可以示汝國中人使知國家哀汝故鄭重賜汝好物也至齊正始元年

太守乃遵遣建中校尉梯雋等奉詔書印綬詣倭國拜假倭王并賫詔賜金帛蜀刀鏡采物倭王因使上表答謝詔恩

後魏太武太延二年二月遣使者十餘輩詣高麗東夷諸國詔諭之

文成和平元年六月河西叛胡詣表安首罪遣使者安尉之獻文時伊吾王唐契子互達性果毅有父風與叔父和歸闕俱為上客拜安西將軍晉昌公

孝文時余朱新興居於余朱川世為首長帝以為大將軍及遷洛後特聽冬朝京師夏歸部落

延興五年蠕蠕求通婚聘有司以其數犯邊請絕其使發兵討之帝曰蠕蠕譬若禽獸貪而無義朕要以信誠待物不可抑絕之

太和元年蠕蠕遣使來獻良馬貂裘其使稱伏承天朝珍寶華麗甚積求一觀之乃勅有司出御府玆玩金玉文綵噐物御廐文馬奇異禽獸及人間所宜用者列之市肆令其歷觀其使曰大國富麗一生所未見之

宣武延昌三年十月詔驍騎將軍馬義舒喻蠕蠕

孝明神龜元年三月秦州氏反遣龍驤將軍崔襲持節喻之

正光元年十二月壬子詔曰蠕蠕王阿那壞遭離寇禍遠未投庇邦分衆所猶無定主而永懷北風思還綏集啓訴情切良用愍然夫存亡恤敗自古通典可差國使及彼前後三分與阿那環相隨并勅懷朔都督簡銳騎二千躬自率護送達境首令觀

機招納若彼候迎宜錫箱篚車馬之屬務使優降禮錢而返如不容受任聽還關其行裝資遣付尚書量給

隋高祖時突厥雍虞閭與玷厥舉兵攻染干盡殺兄弟子姪遂度河入蔚州染干夜以五騎與隋使長孫晟歸朝上令染干與雍虞閭使者因頭特勤相辯詰染干辭直上乃厚待之又雍虞閭弟都速六棄其妻子與突利歸朝帝嘉之勅染干與都速六檮蒲稍稍輸以瑤物用慰其心開皇末契丹別部四千餘家背突厥未降帝方與突厥和好重失遠人之心悉令給粮还本藩敕突厥撫納之固辭不去

煬帝大業三年親巡雲中八月幸啓民可汗所居先是高麗私通使啓民所啓民推誠奉國不敢隱境外之交是日將高麗使人見勅令牛弘宣旨謂之曰朕以啓民誠心奉國故親致其所明年當往涿郡余還日語高麗王知宜早來朝勿自疑惧存育之禮當同於啓民如或不朝必將啓民巡行彼土使人甚惧九月主東都黃門侍郎裴矩以蛮夷朝貢者多諷帝令都下大戲徵四方帝枝異藝陳於端門街錦衣綺珥金翠者數萬人勅百官及居民士女列坐棚閣而縱觀焉皆被服鮮麗終月乃罷又令三市店肆皆設幃帳盛酒食遣掌藩率蛮夷與民貨易所至之處悉令邀延就座醉飽而散蛮夷嗟嘆謂中國為押仙也十一年春正月乙卯大會蛮夷魚龍延曼之樂頒賜之各有差唐高祖武德二年閏二月詔曰盡野分疆山川限其內外遐荒絕域形政殊於函憂是以昔王御世懷柔遠人義在羈縻無所

臣屬渠搜即叙表夏后之誠功越裳重譯美周邦之長等有隋
李世黷武耀兵萬乘疲於河源三年伐於遼外構怨連禍力屈
貨殫朕祇膺空圖撫臨四極悅近未遠追革前弊要荒蕃服宜
與和親其土谷渾已修職貢高句麗遠送誠款契丹靺鞨咸求
內附因而鎮撫允合機宜分命行人就申好睦靜亂息民於是
乎在布告天下明知朕意

五年賜高麗王建武書曰朕恭膺寶命君臨卒土祇順三靈予
懷萬國普天之下情均撫字日月所照咸使人安王既統攝遼
在世居藩服思稟正朔遠脩職貢故遣使者跋涉山川申布象
誠朕皆甚揖方今六合寧晏四海清平玉帛既通道路無壅方
中緝陸永敦聘好各保疆場豈非盛美但隋氏季年連兵構難
攻戰之所各失其萌遂使骨肉乖離室家分析多歷年歲怨睚
不申今二國通和義無阻異在此所有高麗人等已今遣稽尋
即遣送彼處有此國人者王可放還務盡緩育之方共弘仁恕
之道於是建武悉搜括華人以禮賓相送前後至者萬數帝大
喜

七月七年康國曹國並遣使來朝高祖以二國遠至勞之甚厚
康國使者羅付支頓首曰陛下聖德遠被臣故不遠萬里曹國
使者曰臣本國以臣為隸兪聞秦王神武願在麾下高祖大悅
因厚遇之

太宗真觀元年以百濟為高麗閉其道路又與新羅世為仇敵
數相侵伐賜其王璽書曰王世為君長撫有東蕃海隅遐曠風

濤難阻忠款之至職貢相尋尚想徽猷甚以嘉慰朕自祇承寵命君臨區宇思弘政道受育黎元舟車所通風雨所及期之遂性咸使人安新羅王金真平朕之蕃臣王之鄰國每間遣師征討不息阻兵安忍殊乖所望朕以對王姪信福刀高麗新羅使人具敕通和咸許輯睦王必須忘彼前怨識朕本懷共篤鄰情即停兵革因遣使奉表陳謝

十年阿史那社爾朱欵塞歸附耳朱突厥處羅可汗第二子也其叔故吉利贖於用武頡利既敗其部下立社爾為都布可汗以地逼延陀太宗嘉其忠節授左驍衛大將軍妻以南陽長公主拜駙馬都尉

十四年三月流鬼國遣使朝貢其國去京師萬千五里南與莫設靺鞨鄰接未嘗通聘中國至是三重譯而來童嘉其遠慕朝化以其使人餘志為騎都尉

十九年七月詔曰西戎賢相寵光秦冊北夷嗣子榮珥漢貂羈以長纓用表玄功之大掩茲宍網式昭天覆之博高麗位頭大元理大夫後部軍主高延壽大兄前部軍主高惠真等並馬韓酋長鯤海英髦分義景於扶桑數鍾天厭竊封疆於孤竹自貽神怒臨危轉禍率衆未降申有膝行之敬成其面縛之禮向風舉踵良足可嘉咸宜收其後才嗣烏官於鄰子錄其誠效朕龜組於梅錯延壽可鴻臚卿惠真可司農卿

二十年十二月戊寅鐵勒迺紇俟利發等諸姓並詣闕朝見帝謂之曰汝未歸我頗得安存猶如鼠之得窟魚之得水不知夫

我窟及水能容汝否縱令不能容受我必為汝夫作窟深作水以容受汝等又云蒼蠅之飛不過一二尺及附驥尾日行千里何以致然為所託處遠我今為天下主無問中國及四夷皆養活之不安者我必令安不樂者我必令樂還如驥之受蠅隨其遠近不勞蠅身飛動自然遠去是月庚辰宴迴訖等於芳蘭殿恩賜甚渥仍敕所司加禮供給每日一會

二十一年正月以鐵勒迴訖部置瀚海都督置金微都督府拔野右部置幽陵都督府同羅部置龜林都督府思結部置廬山都督府渾部置臯蘭州斛薩部置高開州奚結部置雞鹿山阿跌部置雞鹿州契苾羽部置榆溪州思結部置蹄林州白雪部置寘顏州鐵勒等諸部其渠師各率所部歸附並列地為州即

其酋長為刺史其都督並給玄金魚金字先是帝擊破突厥其蕃望子弟多殺以侍衛之官沙漠之人素愛錦蜀帝既招來遐城將賜其所好者因錦衣所用舊錢而錯綜其色花葉翔走事各殊形或將班賜近蕃酋首大為榮寵鐵勒等之未也帝賜其金銀器物及綾錦各有教帝又親賚其緋黃地瑞錦標領袍鐵勒等覩而驚駭以為未嘗聞見捧戴拜謝盤叫於塵埃中及還帝御天成殿陳十部樂晏而遣之設高坵於殿前置銀餅於坵上自左閣內潛流酒泉通於坵脚而涌入殿前餅中又置大銀盆其實百斛傾餅注於盆中鐵勒數千人不飲其半雜類驚駭私相謂曰天子賜我曹此餅還部落中傾之豈不常足酒也又詔文武品已上令外廚給酒載於尚書都堂以餞之迴訖等奏

奴身僻在荒野無人之地歸身聖化天至尊賜與奴等官職雜物殺身不能以報奴等既為百姓於天至尊處往來向父母邊一種惣請於迴訖以南突厥以北開一道呼為参天至尊道乃詔司徒長孫無忌司空房玄齡等與共籌之宜逐水草量置郵驛惣六十八所各有群馬酒肉以供過使并諸解作文奏人擬為表疏每歲貢貂皮以充賦是年面趙首領趙磨率所部萬餘戶內附以其地為明州

三十二年二月西蕃沙鉢羅葉護率衆歸附以其侯斤屈裴祿為忠武將軍四月西寶厥泥伏沙鉢羅葉護阿史那賀魯率衆內屬於庭州拜為左驍衛將軍賜其所部縉帛有差

高宗龍朔三年六月戊申遣左武衛大將軍蘇定方率兵往京州少安集吐渾谷

咸亨三年二月移土谷渾慕容請曷鉢部落自涼州徙於部州

浩豐浩音閭豐音門河之南發兵以送之既屬吐蕃熾盛諾曷鉢不安

其居又鄯州地窄尋徙於靈州之境置安樂州以諾曷鉢為刺史其吐谷渾故地並沒于吐蕃

九月置靜州以處內附党項部落

儀鳳二年二月工部員外尚書高喊加授遼州都督封朝鮮郡王遣歸遼東以安輯高麗餘衆先有編附諸州高麗悉放還本番司農卿扶餘隆為光祿大夫太常員外卿加授熊津州都督封帝方郡王亦令安緝百濟餘衆仍移安東都護府於新城以統之時百濟本地荒毀特令寄於高麗之境

中宗即位遣侍御史張行友往招慰靺鞨渤海郡王大祚榮
玄宗先天二年遣郎將崔詵往冊拜渤海大祚榮左驍衛外員
大將軍渤海郡王仍以其所統為汗州都督自是每歲遣使朝
賀

開元二年正月癸巳奚饒樂郡王李大酺等來朝帝謂之曰卿
等為朕外藩款誠夙藩爰初內屬職貢相仍往緣任寄非才拙
於緩撫因使卿等猜二頗成阻絕而能不忘本翻然改圖所覽
獻書其知至懇大酺將尚縣王失活又遣近親並自邊隅同臻
洛邑朕今與卿等相見喜慰良深

閏二月突厥默啜之婿大拔頡利發名阿異失與其妻來奔封
燕山郡王授左衛員外大將軍許於澤潞州編附

六月丁卯北庭大都護瀚海軍使阿史那敵烏都擔首獻于關
下并擒其挈友胡祿等部落五萬餘帳內屬帝降書謂敵曰十姓
部落比多款附叢爾都擔獨為背誕卿以忠果令其討伐遂斬
首喪元并兒及婦無復胡祿屋闢啜等五萬餘帳壺漿塞陌強
負而來自非信著遠蕃何以翕然至此邊陲寧謐擊卿是賴雖
鄭吉之護南道班超之臨西域無以過焉

十一月丙申詔曰北戎為患南牧是膺叛而伐之服而捨之春
秋格言是謂通興葛邏祿陰山都督落驕天縱毒候月為妖桀
驚之心久揆脅從之禍深矣而冒其攜阻思我思化未七旬而
就格逾萬里而歸誠啓額邊陲披肝塞下宜令左散騎常侍解
玩攝御史大夫持節往北庭宣慰突厥部落緣邊降戶要任便

宜處分

三年四月乙卯三姓葛邏祿率衆歸國壘書慰之曰三姓葛邏祿首領散爛侯斤等冒涉遠未並平安好卿等一被駟率多歷歲年遂背送輸忠間行歸國言念誠節嘉賞良深緣被部落初來已令逐便安置卿等未日大首領及將士已下並得安穩以否所有事意具狀來奏

十月授北蕃投降九姓思結都督磨散為左威衛將軍大首領解薛移利殊功為右領軍衛將軍契都督那沒施為右威衛將軍匄利羽都督莫賀突默為右驍衛將軍首領延陀薛渾達都都為右威衛將軍奴賴大首領前白登州刺史奴賴孝為左領軍將軍跌跌首領刺史裴羅艾為右領軍將軍並員外置依舊

為刺史賜紫袍金帶魚袋七事綵帛各三百段放還蕃

五年十月乙酉鴻臚寺奏曰本國依請謁孔子廟堂禮拜寺觀從之仍令州縣金吾相知檢校捉搦示之以整應須作市買非違禁入蕃者亦容之

八年二月勅閔內河東河西入朝新蕃酋等曰嘉爾蕃有慕我朝化相率歸附載變炎涼而忠懇不渝明誠動勵深宜緝乃戎落捍使方隅使烽火無驚障塞咸謐必厚賞崇班當取富貴朕比加思貸爾寔安堵恐衣服未盡克災患且未息永言如此良用撫然其今春不入朝都督衙官并箭頭將軍在蕃者已令王峻張說楊敬述等取軍中庫物各量賜爾等衣一副部落有疾若便量給藥物無令田隴廢業含養失所遞相免諭以悉朕懷

十年閏五月戊寅勅曰我國家統一寧于歷年滋多九夷同文
四隩來暨夫其襲冠帶奉正朔顛顛然嚮風而慕化列于天朝
編於屬國者蓋亦懷矣我則潤之以時雨照之以春陽淳德以
柔之中孚以信之玄風既同群物茲遂莫不自天壤窮海域蹶
角以請吏執贄而來庭皇唐之德於此為盛今則番侍子又在
京國雖威惠之及自遠畢歸而羈族之至重遷斯在宜命所司
勘會諸番充質宿衛子弟等於還國契丹及奚近通質子並即
停追前令還番首領等至幽州且住交贄者即旋去朕欲以鳥
獸咸若華戎俱泰來則納其朝謁之禮去則隨其生育之恩惟
我至誠崇彼大順含弘之施德莫厚焉

十二年十二月新羅王金興光遣使獻女二帝以遠離所親將

加封賞悉放還國降書謂曰卿所進女皆卿之姊妹容儀淑麗
德行柔婉自非盡節向風何能割慈忍愛然以辭遠本俗離別
所親念彼遠貢之勞矜其懷戀之恩雖阻未意並不忍畱今各
加其邑號賜之衣服以達朝恩宜知朕意是年安東都護薛泰
請於黑水靺鞨內置黑水軍吏以最大部落為黑水府仍以其
首領為都督諸部刺史隸屬焉中國置長史就其部落監領之
二十一年八月日本國朝賀使真人廣成與兼從五百九十人
舟行遇風颺至蘇州刺史錢惟正以聞詔通使舍人常景先往
蘇州宣慰勞焉

二十九年七月命左羽林將軍孫老奴與中官使于葛邏祿部
宣慰降詔書謂曰三姓葛邏祿及拔悉蜜首領部落等卿等上

祖已未忠亦於國往緣斬啜背叛遂被脅從非是本心朕深之
悉聞卿等首領皆是忠良雖在遠方常願歸化具知此意深用
加之况今突厥夭亡事執如此在於豪傑多被誅夷所有諸蕃
各自奔敗智者料事不可失時尚或沉吟必招禍患宜即遞相
曉諭勸率早來且金山故地水草豐美安置部落還如此處庶
事之間倍全優恤務取安泰勝於往時兼有重賞高官以待卿
等今故遣使宣慰宜悉朕心天寶元年正月益州長史章仇兼
瓊奏吐蕃白狗國及索磨等諸州籠官二百餘人出至奉川望
淮女國等例簡擇許令人奏餘並就奉川晏賞放還從之

八載七月隴右節度使破土蕃獲其平章事元論祿郭敵之詔
曰吐蕃平章事元論祿郭戎帳優渠蕃庭要重計窮力屈既人
為俘捨罪申恩特受官秩可守左威衛翊府中郎將員外置同
正員番宿衛仍賜宅以安置

十三載女國南國狗國並率部落內屬其大首領皆授員外中
郎將以安慰

閏十一月壬申東曹國王設阿及安國副王野解及諸胡九國
王並遣上表請同心繫黑永辭甚切至帝方務以懷柔皆勞賜
慰諭遣之以安西域乙亥吐蕃白蘭二品官籠董占庭等二十
人來降並授左武衛員外大將軍

肅宗至德二年正月迴紇大首領葛邏支將軍等來朝耻班在
武臣之下他日帝親引上殿賜食并錫賚慰其意以遣之
代宗寶應元年十一月丁亥迴紇遣使拔賀那上表賀收東京

并獻送賊史朝儀旌旗等物引見于內殿賜綵物二十匹初迴
紇至東京以賊界肆行殘忍士女惧之皆登堅善寺及白馬寺
二各以避之迴紇縱天二閣傷死者計萬里旬火不滅及是朝
賀又縱橫辱官吏帝以外蕃功高特容之

永泰二年五月安南生蠻大首領林都符部落新至德化州管
戶一萬六百潘歸國部落新置龍武州管戶一千五百認安南
節度使左散騎常侍朝衡宣恩勞俸之

大歷八年秋七月新丑詔以迴紇使一百四十人還蕃以國信
物一千餘乘遣之迴紇特功自乾元後屢遣使以馬和布表帛
仍歲市以馬一匹易四十足動至萬數馬其使俟遣繼番於鴻
臚寺者非一番人欲帛無厭我得馬無用朝廷甚苦之是時詔

盈數遣之以示廣恩

八月壬申迴紇遣使赤心領馬一萬匹來永市帝以馬價出於
租賦不欲重困於人有司量出入之計市六千匹

德宗以大歷十四年五月即位七月庚辰令迴紇諸蕃在京師
者各服其國之服

身元十四年五月己酉以劍南西川歸化蠻悉差為左驍衛將
軍同正

十一年正月以降吐蕃論乞誦湯沒藏悉諾碑為歸德將軍又
於麟德殿召對儒論乞誦等

憲宗元和三年六月西原蠻首黃沙卸歸款少卿為歸順州刺
史弟少高以溫並授官是日突厥沙陀七百人携其親屬歸于

于振武節度范希朝尋授其大首領句勒阿波左武衛大將軍
同正員兼陰山府都督

十四年正月庚寅制曰朕臨御萬邦推布誠信西戎納款積有
歲時中或虧違亦常包貸我有殊德寧不是思重譯貢琛道途
相繼申恩亦禮曾無闕焉昨者番使奉章又至京輦將君長之
命陳和好之誠臨軒召見館錄加厚復以信獎諭之簡書亦既
言旋纔及郊旬遽聞蟻聚來犯封陞河曲之間頗為暴擾背惠
棄約斯謂無誠公議物情咸請誅絕朕深惟德化之未被豈慮
夷谷之不賈其國失信其使何罪釋其維繫以遂性亦之弘覆
以志德予衷苟享庶使之感其番使論短立藏等并後朕未使
並宣放歸本國仍委鳳翔節度使以此意示諭

穆宗長慶元年三月平虜軍節度使薛平奏新羅雖是外夷朝
貢不絕其百姓多被海賊掠賣今請緣海州郡一切禁斷異賊
徒永息異俗懷恩從之

文宗太和八年二月庚寅詔南海蕃舡本以慕化而來固在接
以恩仁使其感悅如聞比年長史多務徵求差怨之声達於殊
恤以緩懷其嶺南福建及揚州蕃客宜委節度觀察使除舶脚
收市進奉外任其未往自為交不得重加率稅

武宗會昌元年五月天德軍奏迴鶻温沒斯立支王子多覽將
軍等七人與部下將三千一百六十八人來降中書奏日迴鶻
近邊人情疑懼聖化所感威德克宣果德盟沒斯望闕歸心率
徒効命必在優賞昭示四方使戎狄遠聞皆感恩信望速降中

使宣慰其子王將軍賜以錦綵銀器將士等各賜綵帛從之十月遣王會安撫迴鶻勅曰自古哲王撫寧荒服忠于國者則有繼絕之恩順于道者則有固存之義所以厚其向化優以報功迴鶻累代姻親又脩臣礼服我声教保慈信誠嘗以固難識見忠良疾風知其勁草永言勲力豈忘于懷如聞紇吃斯所知兵祈衆叛產畜犬耗國人荐飢流離轉途遠逾沙漠近日太和公主遣使入朝已知新立可汗寓居塞于告窮請命未有所歸每念艱危載深憫惻今欲勅邨窮困撫慰傷痍俾四方知朕不忘勲舊報其大順昔向奴垂離呼韓丘塞漢宣帝轉粟賑救權時施宜故得三代稱蕃北邊罷驚前王令典可不務乎宜令左金吾衛大將軍兼御史大夫王會持節充安撫大使兼御史中丞

李師偃充副使專往慰問仍賑米二萬石俾其安緝離散漸就漢南再復旧疆永保恩好宣示中外宜体朕懷

宣宗大中二年正月涇源節度使康季榮奏吐蕃論恐熱以安樂三州及石行七關等歸國詔遣太僕卿耽往馳勞馬仍令虜

武節度使諸叔明邠州寧州節度使張君緒與涇原康季榮各總所部鎮之

五年八月沙州張義朝遣九義潭將瓜沙伊肅等十一州國經戶籍來獻自河隴陷蕃百餘年至是悉復隴右故地制改沙州為歸義軍以義潮充歸義軍節度瓜沙等州觀察使

後唐莊宗同光二年五月以推知歸義軍節度兵馬留後金紫光祿大夫檢校尚書左僕射守沙州長史兼御史大夫上柱國

曹義今為檢校司空守沙州刺史克歸節義軍度瓜沙等州觀
察處置內營田押蕃落等使瓜沙與吐蕃雜居自帝行郊禮義
今簡道貴方物乞受西邊都護故有是命

明宗天成三年十一月以契丹偽署平州刺史光祿大夫檢校
大保張希崇為汝州刺史加檢校大傅隨行官員二十四人各
依次授諸道官

四年正月賜龜茲國頽室寺僧波羅密紫衣九月丙戌帝御中
興殿蕃部進馬安重誨奏曰吐渾党項近日相賜進馬皆給還
馬直對見之時別賜錦綵計其所費不啻近倍價漸成損耗不
如止絕帝曰常苦馬不足差網遠市今蕃官自來何費之有外
蕃賜中國常道誠知損費禮不可止自是蕃部羊馬不絕於路

長興二年正月東舟王突欲率衆自渤海國內附上御文明殿
對突欲及其部曲慰勞久之賜鞍馬衣服金玉帶錦綵品物又
大將軍副將軍已下分物有差宰臣率百寮稱賀

二月辛東舟王突欲之弟賜突欲緝三百匹至晚還宮

三月辛酉中書門下奏東舟王突欲遠汎滄波未歸皇化既服
冠帶雖無姓名兼傷隱等項以刀助王都罪同委餒奚從必先
死並獲再生每預入朝各宜授氏庶使旄編姓譜也荷聖恩况
符前代之規永慰遠人之款自突欲已下請別賜姓名仍准本
朝蕃官入朝例安排勅旨付中書門下商量聞奏宰臣按四夷
入朝蕃官例有懷德懷化歸德歸化等將軍中郎將名號尺本
朝賜新羅渤海兩蕃國王官初自檢校司空至太保今突欲是

阿保機之子且類渤海國之王念自遠夷宜加異渥莫頭賓_之王
道以旌航海之忠其揚隱赫邀已下始自朋克不可同等古
者保姓投氏有以因官有以所居所掌有因歸化特賜姓名勅
旨突欲意賜姓東舟名慕華乃授光祿大夫檢校太保安東都
護兼御史大夫上柱國渤海郡開國公食邑一千五百戶克懷
化軍節度瑞慎等州觀察處置撫蕃等使其從慕華歸國部曲
罕只宜賜姓罕名友通穆葛宜賜姓穆名順義撒羅宜賜姓羅
名賓德易密宜賜姓易名師德蓋名來賓仍禮宜賜姓蓋授罕
只等五人歸化歸德小將軍中郎將先助禿飯擒獲蕃官惕隱
官蕃名赫邈宜賜姓狄名懷惠相二官蕃名但列宜賜姓列名
知恩仍並授銀青階檢校散騎常侍舍利官蕃名前刺宜賜姓
厚名知感福郎宜賜姓服名懷造奚三副使竭失訖宜賜姓乙
名懷有三人並授銀青階檢校太子賓客九月勅懷化軍節度
使丹慕華宜賜姓李名贊華乃改封隴西郡開國公兼應有先
配在諸軍契丹直等並宜賜姓名

三年四月癸亥以懷化軍節度使李贊華為滑州節度使初帝
欲以贊華為藩鎮范延光等奏以為不可帝曰吾與其先入約
為兄弟故贊華來附吾老矣倘後世有守文之主則此輩招之
亦不來矣由是近臣不能抗議

末帝青泰元年正月迴紇李突安而下十人先在京放還本部
二年六月詔北面總管公邊馬軍會於代州指揮達鞠於雲州
界安置仍支度月糧

七月詔邠涇鄜耀四州出州兵應接迴鶻時迴鶻朝貢多為河西雜虜剽掠故有是命及迴又詔邠州鄜度康福知柔率禁兵授送至靈武虜之為患者隨便討之

三年西域南印土師子國婆羅門縻訶定利密多羅并州大雲寺僧那迦悉地並賜紫袈裟百濟僧智周言先朝賜紫辭歸國賜號曰法深大師

晉高祖天福元年十二月詔封故東丹王李贊華為燕王令前單州刺史李肅部置歸葬本國

二年正詔曲天中印土摩竭陀舍衛大菩提寺三藏阿闍黎沙門室利縛羅上鞋下宜賜號弘梵大師

周太祖廣順二年七月戊寅以契丹長慶宮提轄使戶部郎中

韓禧為鄜州延慶縣令契丹虞部員外郎胡嶠為汝州魯山縣令並以其歸化故也

九月丁丑河西鄜度使中師厚奏薦蕃中將吏請加恩命從之左箱押蕃副使折連支右廂崔亮心並授銀青光祿大夫檢校工部禮部尚書陽妃谷大首領沈念般授懷化大將軍左廂大

首領錢干闕篤為歸德大將軍沒林葛干凝盧伴壇折連窮羅並為懷化大將軍右廂大首領鹿悉迦阿羅岳駱奴並為歸德大將軍劉念般批典龍溫光積並為懷化大將軍攝鄜度掌書記守涼州姑藏令王廷翰授監察御史衷行充河西軍鄜度掌書記攝鄜度推官溫崇業試秘書省校書郎充河西鄜度推官攝錄事參軍劉少英為涼州錄事參軍師厚又言自安國鎮至

西涼府沿路三處控扼各立州名欲補大首領為刺史又管界
部落大首領三十餘人各望賜空名告身並從之

十一月環州党項臯家族首領越廝心移並授懷化將軍

十二月補契丹武州刺史石越為南府郎知兵馬使張延煦為
許州都知兵馬使是月契丹部達州掌書記馬震興州錄事叅
軍李超晉州主簿李署可汗州懷耒主簿王自真等宣中書各
授州縣叅佐之官

三年十一月延党項首領吳悞磨五十三人並授懷化郎將

世宗德頭二年二月沙州留後曹元忠知瓜州軍州事曹元恭
各遣使進方物以元忠為歸義軍節度使檢校太尉同平章事
以元忠為瓜州團練使仍各鑄印以錫之皆旌其來王之意也

卷之三

